

PL
2685
A17
1699
V.6

施註蘇詩卷之十六

漫堂先生宋 竿

長洲顧嗣立

樸園先生張榕端

閱定

毗陵邵長蘅

刪補


商丘宋 至

詩四十八首

起在彭城至元豐已未移守吳興

雲龍山觀燒得雲字

丁女真水妃寒山便火耘隕霜知已殺坯戶聽初焚束
緼方熠燿敲石俄氤氲落點甘泉烽橫煙楚塞氛窮虵
上喬木潛蛟躡浮雲驚飛墮傷雁狂走迷癡磨谷蟄起
蜩燕山妖竄夔獫野竹爆哀聲幽桂飄冤分悲同秋照



蟹快若夏燎蚊火牛入燕壘燧象奔吳軍崩騰井陘口
萬馬皆朱幘搖曳驪山陰諸姨爛紅裙方隨長風卷忽
值絕澗分我本山中人習見匪獨聞偶從二三子來訪
張隱君君家亦何有物象移朝曛把酒看飛燼空庭落
繽紛行觀農事起畦壠如纈紋細雨發春穎嚴霜倒秋
蕢始知一炬力洗盡狐兔羣

韓退之陸渾火詩女丁婦壬傳世婚左傳昭九年鄭裨竈曰火水妃也杜預曰火
畏水故爲之妃妃一音配史記貨殖傳楚越之地也廣人稀飯稻羹魚或火耕而
水耨左傳僖三十三年隕霜不殺草定元年冬十月隕霜殺菽月令蟄蟲坯戶又
是月也草木黃落乃伐薪爲炭漢酈通傳東緼請火毛詩注熠燿燐也已見前柳
宗元詩夜發敲石火杜子美烽火詩雲邊落點殘漢匈奴傳孝文帝時胡騎入代
句注邊烽火通於甘泉長安關輔記甘泉宮在今池陽縣西去長安三百里左傳
襄二十七年伯風謂趙孟曰楚氛甚惡漢志天馬歌籥浮雲等音讎國語不石之
怪曰夔魍魎水之怪曰龍罔象土之怪曰羆羊白樂天別東林詩春雨星攢尋蟹

火注餘杭風俗寒食兩後家家時燭尋蟹國語易公曰蛟詩燭燭言古燭矣東坡詩

火注餘杭風俗寒食雨後家家持燭尋蟹歐陽公憎蚊詩燠簷苦煙埃燎壁疲照
燭史記田單傳灌脂束葦於牛尾燒其端夜縱之牛尾熱怒不奔燕軍所觸盡死
左傳定四年楚鍼尹固與昭王同舟王使執燧象以奔吳師杜預曰燒火燧繫象
尾使赴吳師驚卻之謝靈運詩崩騰永嘉末韓退之詩崩騰相排拶漢韓信傳未
至井陘口三十里止舍夜半傳發選騎二千人人持一赤幟從間道算山而望趙軍
戒曰趙見我走必空壁逐我若疾入拔趙幟立漢幟趙軍還歸壁壁皆漢赤幟大
驚遂亂遁走毛詩碩人注朱憤以未纏鑣扇汗也舊唐書楊貴妃傳姊三人皆有
才貌玄宗並封夫人長曰大姨封韓國三姨封虢國八姨封秦國每年十月幸華
清宮國忠姊妹五家扈從每家一隊著五色衣五家合隊照映如百花之煥
發互見八卷和蘇州太守詩註玄宗紀天寶六載改麗山溫泉為華清宮

和田國博喜雪

疇昔月如晝曉來雲暗天玉花飛半夜翠浪舞明年螟
螣無遺種流亡稍占田歲豐君不樂鐘磬幾時編

公自注田有服

不樂

禮記檀弓余疇昔之夜王注玉花言雪翠浪言麥雪也則麥熟也柳子厚詩麥芒
際天搖碧波詩小雅去其螟螣及其蟊賊漢宣帝紀疏長自占八萬餘口周禮磬

師註宮懸有
編鐘編磬

祈雪霧豬泉出城馬上作贈舒堯文

三年走吳越踏遍千重山朝隨白雲去暮與棲鴉還翩
如得木狖飛步誰能攀一爲符竹累坐老敲榜間此行
亦何事聊散腰腳頑浩蕩城西南亂山如玦環山下野
人家桑柘雜榛菅歲晏風日暖人牛相對閑薄雪不蓋
土麥苗稀可刪願君發豪句嘲詼破天慳

韓退之詩青玉刻佩聯玦環果州清居和尚述牧牛圖第十章露地白
牛安眠牧者禪寂第十一章牛亡而鞭箠尚在第十二章人牛俱亡

次韻舒堯文祈雪霧豬泉

長笑蛇醫一寸腹銜水吐雹何時足蒼鵝無罪亦可憐

斬頸橫盤不敢哭豈知泉下有豬龍臥枕雷車踏陰軸

前年太守爲旱請雨點隨人如撒菽公自注傳飲之曾禱此泉得雨太守歸

國龍歸泉至今人詠淇園綠我今又復懼此旱凜凜疲

民在溝瀆卻尋舊跡叩神泉坐客仍攜王子淵公自注欽之時客惟

哥在矣看草中和樂職頌新聲妙語慰華顛曉來泉上東

風急須上冰珠老蛟泣怪詞欲逼龍飛起嶮韻不量吾

所及行看積雪厚埋牛誰與春工掀百蟄此時還復借

君詩餘力汰輒仍貫笠揮毫落紙勿言疲驚龍再起震

夫匙

三陽雜俎王彥威鎮汴夏旱季玘曰欲雨甚易耳求蛇蟄四頭十石龜二枚每蟄一蛇蟄水浮其中大蓋泥之分置閑處設席燒香選小兒十歲已下十餘令執小

竹臺夜擊之不得少輟一日兩夜兩大注蛇蟻蜴蜥別名夷堅乙志劉居中隱
有大蜥蜴數百皆長三四尺人以食就手飼之拊摩其體滑膩如脂一日
水盞邊各取水纔入口即吐出已圓結似彈丸積之於側俄頃間壘累滿
震雷一聲彈丸皆失去明日人來言昨午兩盞大作乃知蜥蜴所為者此也
兩法刊白鵝景德皇祐中詔以其法放諸道又志林云鵝能警盜亦能
又有祈雨厄悲夫北夢瑣言邛州有湫有牝豕出入號豬龍湫又元和末
寺夜半門外喧然人於牕中窺見數人運斤造雷車博物志地下四柱三
犬牙相牽漢王褒字子淵作中和樂職宣布詩詳見十卷次韻章傳道
後漢崔駰傳包胥單辭而存楚唐且華顛以悟秦注華顛謂白首也
伯勞射王沐輈以貫笠轂三國蜀先主傳方食失匕箸注已見

石炭 并引

彭城舊無石炭元豐元年十二月始遣人訪獲於
州之西南白土鎮之北冶鐵作兵犀利勝常云

君不見前年雨雪行人斷城中居民風裂肝濕薪半束

包食調日暮敲門無處換豈料山中有遺寶磊落如礬

萬車炭流膏迸液無人知陣陣腥風自吹散根苗一
發浩無際萬人鼓舞千人看投泥潑水愈光明爍玉流
金見精悍南山栗林漸可息北山頑鑛何勞鍛爲君鑄
百鍊刀要斬長鯨爲萬段

美詩城中斗米換衾裯相許寧論兩相直唐韻磬美石黑色楚辭宋玉招魂
曰代出流金爍石晉載記赫連勃勃造百鍊剛刀爲龍雀大鐸李白王節士歌
持倚天劍跨海斬長鯨唐段秀
云狂賊可斬萬段

人日獵城南會者十人以身輕一鳥過槍急萬

人呼爲韻得鳥字

京東第二將雷勝隴西人以勇敢應募得
官武力絕人騎射敏妙按閱於徐徐人欲

觀其能公爲小獵城西是日小雨南晴
土潤風和觀者數千人公作獵會詩序

元室笑使君憂慍長悄悄誰拈白接羅令跨金驪裏東

風吹濕雪手冷怯清曉忽發兩鳴鶻虛交切相趁飛蟲小放

弓一長嘯目送孤鴻矯吟詩忘鞭轡不語頭自掉歸來

仍脫栗鹽鼓煮芹蓼何似雷將軍兩眼霜鶻皎黑頭已

為將百戰意未了馬上倒銀瓶得兔不暇燎少年負奇

志踴躍百憂繞回首英雄人老死已不少青春還一夢

餘年真過鳥莫上呼鷹臺平生笑劉表

林陽按此詩是十平格
○仿雷將軍詩照作句
以佳其先止則止後
必一服作收乃以風
脚多一多脚要加歸

詩國風憂心悄悄愠于羣小唐韻接離白帽也晉山簡事注再見杜子美詩細馬

時鳴金駿裏唐韻驕箭即鳴鏑也漢匈奴傳冒頓廼作鳴鏑習勒其騎射因語錄

楊巨源年老頭數掉言吟詩多致得百樂天詩閑倚小橋立掉頭時一吟唐書令

狐潮圍雍丘雷萬春立城上面中六矢而不動潮遙謂張巡曰向見雷將軍乃知

足下軍令矣晉諸葛恢傳王導嘗謂曰明府當為黑頭公杜子美詩馬上誰家白

面鄭又指點銀瓶索酒嘗世說魏武將見匈奴使自以形陋不足雄遠國使在季

時代帝自捉刀立牀頭既畢使問謀問曰魏王何如匈奴使答曰魏王雅望非常

然牀頭捉刀人此乃英雄也張景陽雜詩人生瀛海內忽如鳥過目杜子美詩餘

生如過鳥襄陽耆舊傳劉表為荊州刺史築臺名呼鷹仍作野
鷹來曲襄河記劉表呼鷹臺在縣東七里高三丈周七十丈

將官雷勝得過字代作

胡騎入雲中

一作

急烽連夜過短刀穿鹵陣濺血貂裘漣

一來輦轂下愁悶惟欲臥今朝從公獵稍覺天宇大一

雙鐵絲箭未發手先唾射殺雪毛狐腰間餘一箇

漢匈奴傳孝文後四年匈奴大入上郡雲中各三萬騎漢書注回中地在安定其
中有宮劉禹錫登天壇詩俯觀羣動靜始覺天宇大杜子美期王將軍不至詩憶
翁腰下鐵絲箭射殺林中雪色鹿後漢
公孫瓚傳始天下兵起我謂唾掌可決

臺頭寺步月得人字

風吹河漢掃微雲步屨中庭月趁人浥浥爐香初泛夜
離離花影欲搖春遙知金闕同清景想見羶車碾暗塵

陳長珠有古朴不
如刻不似代雷

五六招得開終不暇筆清
下為高品是直瀉枕人腦
聞之通身骨節振矣

回首舊遊真是夢一簪華髮岸綸巾

臺頭寺送宋希元

橫從傾蓋只今年送別南臺便黯然入夜更歌金縷曲

他時莫忘角弓篇

公自注是日與宋君同栽松寺中

三年不顧東鄰女

公自注取宋玉

二頃方求負郭田

公自注取季子

我欲歸休君未可茂先方議斲

龍泉

江文通別賦黯然消覓者唯別而已杜牧之秋娘詩秋持玉竿醉與唱金縷衣左

傳昭二年晉侯使韓宣子來聘享之韓子賦角弓既享宴于季氏有嘉樹焉韓宣

子卷之武子曰宿敢不封殖此樹以無忘角弓宋玉好色賦臣東家之子登牆闚

戶三年至今未許也晉張華傳字茂先初牛斗間常有紫氣華聞豫章人雷煥妙

達緯象乃要問之煥曰寶劍之精上徹于天耳問何郡煥曰在豫章豐城即補煥

為豐城令煥到縣掘獄基入地四丈得石函中有雙劍竝刻題一曰龍泉二曰太

阿是夕斗牛間氣不復見杜子

美詩徒勞望牛斗無計斲龍泉

種松得徠字

公自注其四在懷古堂其六在石經院

初由孟嘉折中有深居

詩中有人傳也字個

春風吹榆林亂莢飛作堆荒園一雨過戢戢千萬栽青
松種不生百株望一枚一枚已有餘氣壓千畝槐野人
易斗粟云自魯徂徠魯人不知貴萬竈飛青煤束縛同
一羣胡爲乎來哉泫然解其縛清泉洗浮埃枝傷葉尚
困生意未肯回山僧老無子養護如嬰孩坐待走龍蛇
清陰滿南臺孤根裂山石直幹排風雷我今百日客自公

注時主替不百日

養此千歲材茯苓無消息雙鬢日夜摧古今一

流仰作詩寄餘哀

詩魯頌徠之松新甫之柏杜子美詩幹排雷雨猶力垂崖南子千歲之松下有
茯苓上有兔絲抱樸子松脂入地千年變爲茯苓又任子季服茯苓十八年不復

食穀面
鹽玉光

作書寄王晉卿忽憶前年寒食北城之游走筆

為此詩

王晉卿名詵太原人從開封能詩善畫以選尚魏國賢惠公主母宣仁高后於神宗為同產晉卿慕東坡與相游從

嘗為作寶

繪堂記

秀內

似此深喜而風華特勝

北城寒食烟火微落花胡蝶作團飛王孫出遊樂忘歸
門前驄馬紫金韉吹笙帳底煙霏霏行人舉頭誰敢睇
扣門狂客君不麾更遣傾城出翠帷書生老眼省見稀
畫圖但覺周昉肥別來春物已再菲西望不見紅日圍
何時東山歌采薇把盞一聽金縷衣

李賀秦宮詞帳底吹笙香霧濃再見唐韻睇望也盼也柳子厚聞歌詩翠帷雙卷
出傾城歷代畫斷周昉畫子女為古今之冠王江東山東征之詩也采薇三章皆

言曰歸
曰歸

往在東武與人往反作粲字韻詩四首今黃魯

直亦次韻見寄復和答

蔣鑒破荊州止獲一人半中郎老不遇但喜識元歎我
今獨何幸文字厭奇玩又得天下才相從百憂散陰求
我輩人規作林泉伴寧當待垂老倉卒收一旦不見梁
伯鸞空對孟光案才難不其然婦女厠周亂世豈無作
者於我如既盟一作獨喜誦君詩咸韶音節緩夜光一已
多矧獲纍纍貫相思君欲瘦不往我真懦吾儕眷微祿
寒夜抱寸炭何時定相過徑就我乎館飄然東南去江

水清且暖相與訪名山微言師忍粲

晉習鑿齒傳襄陽陷於苻堅堅素聞其名與釋道安俱興而至以其有寒疾與諸
漢書云昔晉氏平吳利在二陸今破漢南獲士才一人半耳又高僧傳云苻堅謂
交公一人鑿齒半人也晉地理志魏盡得荊州之地分南郡以北立襄陽郡江表
傳蔡伯喈貴異顧雍謂曰卿必成名今以吾名與卿故名雍吳錄顧雍為蔡邕所
笑故字元歎蔡邕初平元年拜左中郎將晉石苞傳許允謂苞曰卿是我輩人在
子美嚴別駕相從歌垂老遇君未恨晚似君當向古人求韓退之別知賦惟知心
而難得斯一旦而為異記有珠夜可以鑒故名夜光趙后外傳真臘夷獻萬
年鏡不夜珠光彩皆照獻帝春秋呂布問曹公明公何瘦荅曰所以瘦恨不
聖相得故也杜子美寄岑參詩思君令人瘦家語孔子曰生於我乎館杜子美聽
詩十誦詩余亦師粲可身猶縛禪寂傳燈錄第三十祖僧粲三十二祖弘忍即中
華三祖
五祖也

雪齋

公自注杭僧法言
作雪山於齋中

君不見我睂山西雪千里北望成都如井底春風百日
吹不消五月行人如凍蟻紛紛市人爭奪中誰信言公

似贊公人間熱惱無處洗故向西齋作雪峰我夢扁舟

入吳越長廊靜院燈如月開門不見人與牛

公自注言牛見寄云林下閑

看牛惟見空庭滿山雪

唐書杜悰傳吐蕃維州南界江陽岷山連嶺而不知其極北望隴山積雪如玉東望成都若在井底國號無憂城李德裕傳亦云新書吐蕃傳削去成都井底語杜子美詩贊公釋門老放逐還上國華嚴經以事證空身能除一切熱惱白樂天詩既無白旃檀何以除熱惱人牛注見本卷

以雙刀遺子由子由有詩次其韻

休是寫去

吾刀二句深恐作所
字少雖熱惱少後
我攜行用謝壯士所
向注亦以所主是解
已自附會此愧所解
更云云長我可從

寶刀匣不見但見龍雀環何曾斬蛟蛇亦未切琅玕胡
穿翳輩見之要領寒吾刀不汝問有媿在其肝念此
目歲包之虎皮斑湛然如古井終歲不復瀾不憂無
用憂在用者難佩之非其人匣中自長歎我老衆所

易
易屢遭非意干惟有王玄通堦庭秀芝蘭知子後必大
故擇刀所便屠狗非不用一歲六七利欲試百鍊剛要
須更泥蟠作詩銘其背以待知者看

龍雀鏐用赫連勃事注見本卷王祭刀銘陸剗犀兕水載蘇魏列子湯問篇周
穆王征西戎西戎獻昆吾之劍用之切玉如勿泥焉漢張騫傳竟不得月氏要領
杜子美詩妖腰亂領敢欣喜禮記倒載干戈包之以虎皮白樂天古劍詩甚然玉
匣中秋水澄不流又詩無波古井水韓退之詩法曹貧賤眾所易晉衛玠云非意
相子可以理遣再見晉王覽傳寶字玄通呂虔有佩刀工相之以為必至三公可
佩此刀虔謂覽兄祥曰卿有公輔之量故以相與祥臨薨以刀授覽曰汝後必興
足稱此刀覽後奕世多才興于江左左傳閔元年卜偃曰畢萬之後必大史記刺
客傳荆軻愛燕之狗屠及善擊筑者高漸離又樊噲傳沛人也以屠狗為事漢書
注利圭角泯鏐也莊子養生主族庖月更刀折也揚子龍
蟠于泥坑其肆矣家語周廟金人三緘其口而銘其背

游栢山會者十人以春水滿四澤夏雲多奇峰

為韻得澤字

傳有陶章一立雲
第乃貌外乃義子存
陶市者

子乃富怀意

東郊欲尋春未見鶯花迹春風在流水鳬鴈先拍拍孤
帆信溶漾弄此半篙碧艤舟栢山下長嘯理輕策彈琴
石室中幽響清磔磔弔彼泉下人野火失枯腊悟此人
間世何者爲真宅暮回百步洪散坐洪上石愧我非王
襄子淵甯見客臨流吹洞簫水月照連壁此歡真不朽
回首歲月隔想像斜川游作詩繼彭澤

韓退之病鴟詩青泥掄兩翅拍拍不得離栢山在彭城泗水上卽宋司馬栢廳墓
又先生游栢山記云登栢山入石室使道士戴日祥鼓雷氏之琴此詩蓋紀實也
莊子有人間世篇漢楊王孫傳報所侯書曰支體束絳口含玉石欲化不得爲
枯腊千載之後棺槨朽腐乃得歸土就其真宅漢王褒有洞簫賦子淵瓊字又王
襄爲益州刺史得王褒薦之詳已見前連壁謂王氏兄弟子立子敏也晉書
傳與潘安仁同與接蒨京都人謂之連壁陶淵明游斜川詩引云辛丑歲正
日與二三鄰曲同游斜川欣對不
足共爾賦詩淵明嘗爲彭澤令

去思恨直直言唱代作
乃勝於自作要仍生自鳴
胸腹耳

戴道士得四字代作

戴日祥江
南人也

少小家江南寄跡方外士偶隨白雲出賣藥彭城市雪
霜侵鬢髮塵土汙冠袂賴此三尺桐中有山水意自從
夷夏亂七絲一作絃久已弃一作廢心知鹿鳴三不及胡琴四使
君獨慕古嗜好與衆異共弔相懸宮一灑孟嘗淚歸來
鎖塵匣獨對斷絃喟挂名石壁間寂寞千歲事

韓康傳常采藥名山賣於長安市琴操琴長三尺六寸六分以象三百六十六
日列子湯問篇伯牙善鼓琴鍾子期善聽伯牙鼓琴志在高山子期曰善哉我
子若太山志在流水子期曰善哉洋洋乎若江河古今樂錄天寶十三載始詔道
調法曲與胡部新聲合作自爾夷夏之聲相亂無復辨者左傳襄四年歌鹿鳴之
三三拜琴操有鹿鳴曲三疊胡琴琵琶也本胡中馬上所鼓四絃以象四時詳五
卷宋叔達家聽琵琶詩注孟嘗淚用雍門周鼓琴事詳見四卷甘露寺詩注呂氏春
秋鍾子期死伯牙破琴絕絃終身不復鼓琴杜子美詩千秋萬歲名寂寞身後事

次韻田國博部夫南京見寄二絕

歲月翩翩下坂輪歸來杏子已生人深紅落盡東風惡

初絮榆錢不當春

對道仍

火冷飭稀杏粥稠青裙縞袂餉田頭大夫行役家人怨

愿羨居鄉馬少游

二獨寶典寒食為大麥粥研杏仁為酪引飭沃之李義山詩粥香飭白杏花天白
夢天詩雷飭和冷食出火煮新茶馬少游語在後漢馬援傳詳見六卷山村詩註

月夜與客飲杏花下

真蹟草書在武寧宰吳節夫家今刻於黃州先生詩話僕在徐州王子立子敏

皆館於予蜀人張師厚來過二

王方年少吹洞簫飲酒杏花下

杏花飛簾散

石刻作報

餘春明月入戶尋幽人褰衣步月踏花

影炯如流水涵青蘋花間置酒清香發爭挽長條落香

雪山城薄酒不堪飲勸君且吸杯中月洞簫聲斷月明
抄初年日似中傷衣意也
中惟憂月落酒杯空明朝卷地春風惡但見綠葉栖殘
紅

送蜀人張師厚赴殿試二首

忘歸不覺鬢毛斑好事鄉人尚往還斷嶺不遮西望眼

送君直過楚王山

韓退之西山詩爲遮西望眼終是懶回頭史記項羽紀自立爲西楚霸王王九郡鄆彭城王注此地有楚王山

雲龍山下試春衣放鶴亭前送落暉一色杏花三十里
新郎君去馬如飛

公放鶴亭記雲龍山人張天驥於故居之東作亭山人有二鶴旦則望西山之缺以故焉暮則徠東山而歸故名之曰放鶴亭據言神龍以來新進士杏園宴後皆

於慈恩塔下題名又薛監逢值新進士出前導曰迴避新郎君又沈嵩得新榜封示羅隱隱詩曰人如流電馬如飛

再次韻答田國博部夫還二首

西郊黃土沒車輪滿面風埃笑路人已放役夫三萬指
從教積雨洗殘春

枝上稀疏地上稠忍看紅糝落牆頭風流別乘多才思
歸趁西園秉燭游

白樂天詩枝上稀疏地上多韓退之詩始見洛陽春桃枝綴紅糝唐置別駕爲太守之貳謂之別乘魏文帝詩乘輦夜行遊逍遙步西園古詩何不秉燭遊

田國博見示石炭詩有鑄劍斬佞臣之句次韻

答之

楚山鐵炭皆奇物知君欲斫姦邪窟屬鏤無眼不識人

楚國何曾斬無極玉川狂直古遺民救月裁詩語最真

千里妖墓一寸鐵地上空愁蟣蝨臣

左傳哀十一年吳王賜子胥屬鏹以死又昭二十七年楚令尹子常殺費無極王

注無眼不識人暗用國志云此箭無眼不識人語周禮夏官大僕救日月亦如之

秋官庭氏救月之矢夜射之廬全月蝕詩傳聞古老說月蝕蝦蟆精徑圍千尺入

汝腹如此癡騷阿誰生又地上蟣蝨臣全告訴帝天皇臣心有鐵一寸可剗妖墓

痴腸全號

玉川子

答郡中同僚賀雨

水旱行十年饑疫遍九土奇窮所向惡歲歲祈晴雨

非為已求重請終愧古鬼神亦知我老病入腰膂何曾

拜向人此意難不許重雲萋已合微潤先流礎蕭蕭止

還作坐聽及三鼓天明將吏集泥土滿鞞屨登城望薤

此乃元祐之五言作此
子當非若輩也
然則祈禱之說亦自有
其理自出於心不可如
江表也

初由之深二層地也
抱馬

抱馬

麥綠浪風掀舞愧我賢友生雄篇闢新語君看大熟歲
風雨占十五天地本無功祈禳何足數渡河不入境豈
若無蝗虎而況刑白鵝下策君勿取

穀梁子寧者爲尋求者也求者請也古人重請何重乎請人之所以爲人者讓也
請道去讓也唐書田承嗣盜有貝博魏衛相磁洛七州未嘗入朝每對詔使言辭
不遜郭子儀遣使至承嗣西望拜曰茲膝不屈於人久矣今爲公拜詩小雅有淦
淦淦注淦雲與貌淮南子山雲蒸而柱礎潤京房易侯太平之世五日一風十日
一雨後漢劉昆傳爲弘農太守虎皆負子渡河卓茂傳爲密令時天下大蝗河南
二十餘縣皆被其災獨不入密縣界刑鵝用以祈雨事具景德皇祐詔書又見本
書後漢匈奴傳漢得下策世說周仲智飲酒醉瞋目還
白舉蠟燭火擲伯仁伯仁笑曰阿奴火攻固出下策耳

罷徐州往南京馬上走筆寄子由五首

受民莫扳援歌管莫淒咽吾生如寄耳寧獨爲此別別
離隨處有悲惱緣愛結而我本無恩此涕誰爲設紛紛

此下二行看只以詩
以曉語作收

等兒戲鞭韉遭割截道邊雙石人幾見太守發有知當
解笑撫掌冠纓絕

法華經大通智勝如來廣說十二因緣觸緣受受緣愛又生緣老死憂悲苦惱漢
周亞夫傳霸上棘門特兒戲耳開元天寶遺事姚崇牧荊州受代日吏民泣擁馬
首截韉留鞭以為遺愛漢百官表郡守秦官景帝中二年更名太守
晉陸雲傳張華撫掌大笑史記滑稽傳淳于髡仰天大笑冠纓索絕

父老何自來花枝裏長紅洗盞拜馬前請壽使君公前
年無使君魚鼈化兒童舉鞭謝父老正坐使君窮窮人
命分惡所向招災凶水來非吾過去亦非吾功

後漢劉寵傳自會稽太守徵為將作大匠山陰縣有五六老叟扃眉皓髮人齋百
錢以送寵寵勞之曰父老何自苦王注方俗送官罷任以花枝挂綵謂之長紅百
樂天初到江州詩將迎勞動使君公
左傳昭元年劉子曰微禹吾其魚乎

古汴從西來迎我向南京東流入淮泗送我東南行

妙香集句澤成之詩
六帖花詩

別復還見依然有餘情春雨一作風漲微波一夜到彭城過
我黃樓下朱欄照飛甍可憐洪上石誰聽月中聲

前年過南京麥老櫻桃熟今來舊游處櫻麥半黃綠歲
月如宿昔人事幾反覆青衫老從事坐穩生髀肉聯翩
閱三守迎送如轉轂歸耕何時決田舍我已卜

杜子美魏將軍歌將軍昔著從事衫九州春秋劉備在荊州嘗於劉表坐起至廁
見髀裏肉生流涕曰平常身不離鞍解肉皆消今不復騎髀裏肉生日月若馳老
將至矣而功業不建是以悲耳賈
島詩碌碌復碌碌百年轉雙轂

卜田向何許石佛山南路下有爾家川千畦種杭稌山
泉宅龍蜃平地走膏乳異時畝一金近欲爲逃戶逝將
解簪紱賣劍買牛具故山豈不懷廢宅生蒿魯便恐桐

郭人長祠仲卿墓

三注云：郭山在眉州眉山縣之南。漢東方朔傳：鄼鎬之間，號爲土膏。其賈畝一金。三注云：詩：幾日相別，離門前生。稽：蔡漢朱邑傳：字仲卿，少時爲桐鄉耆夫，遇民有
病者，長發愛焉，及死，其子葬之桐鄉西郭外，民共爲邑
立祠，歲時祠祭，又互見二卷，送任倅通判詩注。

次韻曹九章見贈

蘧瑗知非我所師，流年已似手中著。正平獨有從文舉，
帝散何曾靳孝尼。賣劍買牛真欲老，得錢沽酒更無疑。
雞豚異日爲同社，應有千篇唱和詩。

蘧瑗事出淮南子，注已見。周易大衍之數五十，其用四十，有九。後漢：禰衡傳：字正平，唯善孔融及楊脩，常曰：大兒孔文舉，小兒楊德祖，融亦深愛其才，上疏薦之。融
字文舉，晉嵇康傳：將刑，東市索琴彈之，曰：昔袁孝尼嘗從吾學，廣陵散每靳固之，
廣陵散於今絕矣。康仕魏爲中散大夫，袁淮字孝尼，杜子美醉時歌：得錢卽相覓，
沽酒不復疑。韓退之南谿詩：頗爲同社人，雞豚燕春秋。

書泗州孫景山西軒

落日明孤塔青山繞病身知君向西望不愧塔中人

泗州有僧伽塔塔中人蓋指僧伽

過淮三首贈景山兼寄子由

好在長淮水十年三往來功名真已矣歸計亦悠哉今
日風憐客平時浪作堆晚來洪澤口捍索響如雷

蘇轍已矣國無人莫我知兮漢蘇武傳李陵曰已矣今子卿知吾心耳詩國風悠哉悠哉九域志楚州淮陰縣洪澤鎮

過淮山漸好松檜亦蒼然藹藹藏孤寺泠泠出細泉故
人真吏隱小檻帶巖偏卻望臨淮市東風語笑傳

在子美高齊詩吏隱適性情汝南先賢傳鄭欽吏隱于蟻陂之陽

一氣渾身皆山水
八分力

回首睢陽幕簿書高沒人何時桐柏水一洗庾公塵此
去漸佳境獨游長慘神待君詩百首來寫浙西春

桐柏山在唐州桐柏縣淮水所出庾公塵用王導語庾亮字元規注見上卷次
韻王廷老退居晉顧愷之傳每食甘蔗常自尾至本人或怪之云漸入佳境

舟中夜起

微風蕭蕭吹荻蒲開門看雨月滿湖舟人水鳥兩同夢
大魚驚竄如奔狐夜深人物不相管我獨形影相嬉娛

初夜云松常松初松遠
松近松異松近靜中
寫出
松二內 初時風聲松聲
雨間內視之月乃滿湖松
所雨聲亦與雨間松聲
係化出
諸君日中事生一感正
及此一觀之清吟

暗潮生渚弔寒蛭落月挂柳看懸珠此生忽忽憂患裏
清境過眼能須更雞鳴鐘動百鳥散船頭擊鼓還相呼

余去金山五年而復至次舊詩韻贈寶覺長老

誰能十酒博西涼但愛齋厨法豉香舊事真成一夢過

諸君有作馬詩者
借西劉子隨得之
不坊

高譚爲洗五年忙清風偶與山阿曲明月聊隨屋角方
稽首願師憐久客直將歸路指茫茫

斗酒西涼用後漢孟陀事注再見法鼓出金山他處莫能及僧每以小罌餽遺遠
客詩大雅有卷者阿飄風自南鄭氏云大陵曰阿有大陵卷然而曲迴風從長養
之方來入之劉禹錫生公講堂詩一方明月可中
庭韓退之喜侯喜至詩歌眠聽新詩屋角月艷艷

遊惠山

并引

余昔爲錢塘倅往來無錫未嘗不至惠山旣去五
年復爲湖州與高郵秦太虛杭僧參寥同至覽唐
處士王武陵竇羣朱宿所賦詩愛其語清簡蕭然
有出塵之姿追用其韻各賦三首

夏裏五年過覺來雙鬢蒼還將塵土足一步漪瀾堂俯

中堂內自在居士市
移之立後深處不藏
作作起後八句未免
直耳

六言古調

此初從因本也

施註蘇詩卷之十六

五

松桂影仰見鴻鶴翔炯然肝肺聞已作冰玉光虛明

中何色清淨自生香還從世俗去永與世俗忘

海

海

雲不遮山疎雨不濕人蕭蕭松徑滑策策芒屨新嘉

我二三子皎然無緇磷勝游豈殊昔清句仍絕塵弔古

泣舊史疾讒歌小旻哀哉扶風子難與巢許鄰

公自注
謂竇羣

竇羣字大凡刺幽王也唐竇羣傳兄弟皆擢進士第獨羣以處士客隱昆陵蘇

州刺史章夏卿薦之朝并表其書報聞不召後夏卿入為京兆尹復言之德宗擢

羣左拾遺後為御史中丞上言李吉甫陰事憲宗面覆得

羣大怒將誅羣吉甫為之解乃免子姓編竇望出扶風

火發山泉烹茶避林樾明牕傾紫盞色味兩奇絕吾

生眠食耳一飽萬想滅頗笑玉川子饑弄三百月豈如

山中人睡起山花發一甌誰與共門外無來轍

盧仝詩手閱月團
三百片注再見

贈惠山僧惠表

遍天涯意未闌將心到處遣人安山中老宿依然在
案上楞嚴已不看欹枕落花餘幾片閉門新竹自千竿
客來茶罷空無有盧橘楊梅尚帶酸

祖公案注屢見司馬相如上
盧橘夏熟黃柑橙榛枇杷燃柿

贈錢道人

人生苦信書世事仍臆度不量力所負輕出千鈞諾當
一快意事過有餘恠不知幾州鐵鑄此一大錯我生

化如分南味甚全用
宗稼然自是一種石可
三原賦文字

病憂患常恐長罪惡靜觀殊可喜腳淺猶容卻而況錢
夫子萬事初不作相逢更何言無病亦無藥

漢季布傳楚人曰得黃金百不如得季布諾杜子美詩人生快意多所辱北夢瑣
言唐羅紹威帥魏博疾牙軍之驕以計殺之至八千家雖去其偏而漸爲梁祖凌
制乃謂親吏曰聚六州四十三縣鐵鑄一箇錯不成傳燈錄道吾和尚一鉢歌無
可離無可著何處更求無病藥藥是病病是藥到頭兩事須拈卻亦無藥亦無病
正是真如
靈覺性

與秦太虛參寥會于松江而關彥長徐安中適
至分韻得風字二首

吳越溪山興未窮又扶衰病過垂虹浮天自古東南水
送客今朝西北風絕境自忘千里遠勝游難復五人同
舟師不會畱連意擬看斜陽萬頃紅

垂史吳江長橋名郭氏玄中記天下之多者水焉
浮天載地白樂天詩波紅日斜沒沙白月平鋪

二子緣詩老更窮人間無處吐長虹平生睡足連江雨
盡日舟橫擘岸風人笑年來三黜慣天教我輩一樽同
知君欲寫長相憶更送銀盤尾鬣紅

南史江淹謂郭鞏曰子咳唾成珠玉吐氣作虹霓非碌碌儔比也盧仝月蝕詩今
夜吐艷如長虹杜牧之詩一夜風吹竹連江雨送秋王注南中風吹舟拍岸謂之
岸風擘岸乃開岸之義也

次韻關令送魚

舉網驚呼得巨魚饒涎不易忍流酥更煩赤腳長鬣老
來聽西風十幅蒲

薛退之寄盧仝詩先生有意許降臨更遣長須致雙鯉杜荀鶴詩連天一水浸吳
淞十幅帆飛二月風國史補舟船之盛盡於西江編蒲爲帆大者或數十幅自白

海流而上常待東風
風謂之潮信風

次韻秦太虛見戲耳聾

語特超然

此字係出超然

不見詩人借車無可載
留得一錢何足賴
晚年更似

陵翁右臂雖存耳先聾
人將蟻動作牛鬪
我覺風雷

一噫聞塵掃盡根性空
不須更枕清流派
大朴初散

渾沌六鑿相攘更勝敗
眼花亂墜酒生風
口業不停

詩有債君知五蘊皆是賊
人生一病今先差
但恐

此心終未了不見不聞
還是礙
今君疑我特伴聾
故作

嘲詩窮嶮怪須防額癢出
三耳莫放筆端風雨快

孟郊移居詩借車載家具
家具少於車
莊子美空囊詩囊空恐羞
澁留得一錢看
又清明詩此身漂泊苦西東
右臂偏枯左耳聾
鸛哥殷仲堪傳父忠嘗患耳聰聞林

此詩亦係出超然
此詩中亦有此字
不碍格且言外有感慨
太臨意亦不圓周
凡皆但為筆鋒也

下議動云牛鬪圓覺經識清淨故聞塵清淨聞清淨故耳根清淨枕流用孫楚語
屢見莊子應帝王條與忽謀報渾沌之德曰人皆有七竅此獨無有嘗試鑿之日
鑿一竅七日而渾沌死內典五蘊色受想行識也傳燈錄壽州道樹禪師云伊役
倘有窮吾不見不聞無盡楚辭九章蓀伴蠶而不聞張君房脞說隋董慎為冥府
提為右曹仍辟常州秀才張審通管記慎令為判申天府有黃衫人持狀去少頃
還云所申不當慎怒呼左右取方寸肉塞其一耳遂無所聞審通乞更為判後
審通將來云甚允當慎喜謂審通曰非君不可正此獄命左右割去耳肉擊為耳
云于頔上曰塞君一耳與君三耳審通復活後數日覺額癢湧出一耳尤聰時人
笑曰天有九頭鳥地有三耳秀才亦呼為
三耳秀才莊子美寄李白詩筆落驚風雨

端午遍遊諸寺得禪字

興任所適遇勝輒畱連焚香引幽步酌茗開淨筵微
雨止還作小牕幽更妍盆山不見日草木自蒼然

公詩話
自云非

三吳越不
此景也

忽登最高塔眼界窮大千卞峯照城郭震澤浮

雲天深沈既可喜曠蕩亦所便幽尋未云畢墟落生晚

後有餘味

施註蘇詩卷之十六

十六

煙歸來記所歷耿耿清不眠道人亦未寢孤燈同夜禪

晉王獻之傳嘗經吳郡聞顧辟疆有名園先不相識乘肩輿徑入
峻清秋爽月不見其頂尚書震澤底定孔安國云吳縣南太湖名也吳郡續圖
太湖在吳縣南禹貢謂之震澤周官爾雅謂之具區史記國語謂之五
湖其實一也吐吸江海包絡丹陽義興吳郡吳興之境詩國風耿耿不寐

送劉寺丞赴餘姚

中和堂後石楠樹與君對牀聽夜雨玉笙哀怨不逢人
但見香煙橫碧縷謳吟思歸出無計坐想蟋蟀空房語
明朝開鑠放觀潮豪氣正與潮爭怒銀山動地君不看
獨愛清香生雲一作雪霧別來聚散如宿昔城郭空存鶴飛
去我老人間萬事休君亦洗心從佛祖手香新寫法界
觀眼淨不覲登伽女餘姚古縣亦何有龍井白泉甘勝

注

白樂天招張司業詩能來同宿否聽雨對牀眠王注風雨對牀事見與子由別於鄭州詩注中和堂在杭州先生爲倅日監秋試意劉寺丞爲試官也風俗通漢章帝時零陵文學吳景於舜祠下得笙蓋白玉管也乃知古以玉爲笙後又易以竹

三白樂天待漏入閤詩碧縷爐香直紅垂旆尾開王注先生監試杭州時以八月

六日放榜故云明朝開鎖放觀潮前有監試呈諸試官又催試官考較戲作可

七柳子厚答夢得詩耦耕若便遺身世黃髮相看萬事休周易聖人以此洗心

三子山木篇願君剗形去皮洗心去欲而游於無人之地法界觀明華嚴品中法

人寺注已見楞嚴經摩登伽女以婆毗迦羅先梵天呪攝阿難入於淫室唐地

三湖州餘姚縣武德四年析故句章縣置龍井餘姚有龍泉寺在縣西王荆公

詩云山腰石有千年潤井眼泉無一日乾社子美太平寺泉眼詩香美勝牛

三湖州長興縣產茶劉禹錫試茶詩何

三湖州渚春白泥赤印走風塵日注在越州

施註蘇詩卷之十六

施註蘇詩卷之十六

十九

施註蘇詩卷之十七

漫堂先生宋 犖

閱定

長洲顧嗣立

毗陵邵長蘅

刪補

樸園先生張榕端

商丘宋 至

詩四十一首

起元豐二年己未守吳興卽以是年八月攝赴臺
獄十二月謫官黃州泊庚申春自京師赴黃作

李公擇過高郵見施大夫與孫莘老賞花詩憶

與僕去歲會于彭門折花餽筍故事作詩二十

四韻見戲依韻奉答亦以戲公擇云

汝陽眞天人絹帽著紅樅纏頭三百萬不買一笑哂共
誇青山峰曲盡花不隕當時謫仙人逸韻謝封畛詩成

天一笑萬象解寒窘驚開小桃杏不待雷發軫餘波尚
涓滴乞與居易稹爾來誰復見前輩風流盡寂莫兩詩
人殘紅對櫻筍饑腸得一醉妙語傳不泯君來恨不與
去更復相牽引我老心已灰空煩扇餘燼天游照六鑿

虛室掃无物懸知色竟空那復嗜烏吻蕭然一方丈居
士老龐蘊散花從滿袂不答天女問故人猶故目怨句
寫餘恨疑我此心在遮防費欄楯應虞已斃蛇折尾時

一蠢仄聞孟光賢未學處仲忍

公自注開閣放
出事見本傳

寄招應已足

左右侍雲鬢何時花月夜羊酒謝不敏此生如幻耳戲
語君勿愠應同亡是公一對子虛听

杜于美八哀詩汝陽讓帝子眉宇真人又詩每蒙天一笑復似物皆春南京羯鼓錄汝陽王璿玄宗鍾愛之每游幸頃刻不捨璿嘗戴冠絹帽打曲上自摘紅槿花一朵置帽上簷處二物皆滑久之方安遂奏舞山香一曲花不墜落上大笑賜璿金器宋開府與玄宗論鼓事上曰頭如青山峰手如白雨點卽羯鼓之能事山峰取不動雨點取碎急互見七卷有美堂暴雨詩注楊妃外傳上羯鼓罷戲秦國請纏頭對曰豈有大唐天子姨無錢用耶遂出三百萬爲一局上與妃子在沈香亭命樂工李龜年持金花牋召李白進清平調詞白承詔旨猶苦宿醒因援筆賦之上命龜年以歌妃笑領歌意尚書禹貢餘波入於流沙左傳僖二十三年晉公子重耳曰其波及晉國者君之餘也唐白居易傳初與元稹疇詠故號元白南史張融卒其從弟弔之曰阿兄風流頓盡王注兩詩人指萃老施大夫也唐宰相有櫻筍廚三月爲最盛左傳襄十三年鄭石彘曰使歸而廢其使怨其君以疾其大夫而相牽引也不猶愈乎莊子庚桑楚身若槁木之枝心若死灰若是者禍亦不至福亦不來左傳成二年齊宣嬪人請收合餘燼背城借一六鑒出莊子外物篇注已見史記蘇秦傳饑人饑而不食烏喙者爲其愈充腹而與餓死同患也宋齊丘化書躑躅之酒烏喙之脯初噉之若芥再噉之若黍復啖之若丸又啖之若脯淮南子聖人處環堵之室高誘註曰堵長一丈高一丈面環一堵爲方丈傳燈錄居士龐蘊少悟塵勞志求真諦散花天女出維摩經詳見十三卷坐上賦戴花詩注杜子美義鶻行白蛇登其巢吞噬恣朝食又折尾時一掉饑腸皆已穿晉王敦傳字處仲王愷置酒敦與王導俱在坐有女妓吹笛小失聲韻愷便毆殺一坐改容敦神色自若又愷使美人行酒客飲不盡輒殺之酒至敦故不肯持美人悲懼

失色而敦傲然不顧導遂歎曰處仲若當世心懷剛忍非令終也又嘗荒恣於色體爲之弊左右諫之曰此甚易耳乃開後閣驅婢妾數十人放之毛詩鬢髮如雲古樂府有春江花月夜篇漢司馬相如傳亡是公亡是人也又亡是公听然而笑

王鞏清虛堂

清虛堂裏王居士閉眼觀身一作心如止水水中照見萬象空敢問堂中誰隱几吳興太守老且病堆案滿前長渴睡願君勿笑反自觀夢幻去來殊未已長疑安石恐不免未信犀首終無事勿將一念住清虛居士與我蓋同耳

楞嚴經月光童子白佛言有佛出世名爲水天教諸菩薩修習水觀我於是時室中安禪我有弟子闕臆觀室惟見清水遍在室中莊子齊物論南郭子綦隱几而坐再見晉謝安傳安石妻劉惔妹也見家門富貴而安獨靜退乃曰丈夫不如此也安石掩鼻曰恐不免耳史記陳軫傳謂犀首曰公何好飲也犀首曰無事也再見

和孫同年卜山龍洞禱晴

吳興連月雨釜甑生魚蛙往問卜山龍曷不安厥家梯
空尚巉絕俯視驚谿舄神井湧雲蓋陰崖垂鮮花交流
百道泉赴谷走羣蛇不知落何處隱隱如縑車我來叩
石戶飛鼠翻白鴉寄語洞中龍睡味豈不嘉雨師少弭
節雷師亦停撾積水得反壑稻苗出泥沙農夫免菜色
龍亦飽豚粿看君擁黃紬高臥放晚衙

戰國策知伯攻趙城水不涸者三版曰竈生鼃人馬相食晉成公綏陰霖賦沈竈
生蛙中庭運舟釜魚用范曄事已見李白詩仙鼠如白鴉仙經蝙蝠一名仙鼠干
歲之後體白如雪棲則倒懸彌衡傳注撾擊鼓杖也禮記歲十二月土反其宅水
歸其壑白樂天詩暖閣謀宵宴寒庭放晚衙倦游錄文潞公初知榆次縣題詩於
新衙鼓上云置向譙樓一任撾撾多撾少不
知他如今幸有黃紬被努出頭來道放衙

乘舟過賈收水閣收不在見其子三首

賈收字耘老吳興人

愛酒陶元亮能詩張志和青山來水檻白雨滿漁蓑淚
垢添丁面貧低舉案蛾不知何所樂竟夕獨酣歌

五柳先生傳性嗜酒而家貧不能恒得親舊知其如此或置酒招之造飲輒盡期在必醉唐書張志和金華人遁居江湖自稱煙波釣徒亦號玄真子顏真卿刺湖為更易敝舟浮家汎宅往來苕霅間嘗撰漁歌兼工山水酒酣紙筆輒成憲宗命圖其像求之不能致盧仝詩莫怪添丁郎淚下作面垢添丁兒名也百樂天效陶詩客去有餘趣竟夕獨酣歌

嫋嫋風蒲亂猗猗水荇長小舟浮鴨綠大杓瀉鵝黃得
意詩酒社終身魚稻鄉樂哉無一事何處不清涼

楚詞嫋嫋兮秋風詩國風瞻彼淇澳綠竹猗猗杜子美詩永行牽風翠帶長唐東夷傳高麗馬訾水出白山色若鴨頭號鴨綠水大杓暗用晉人惠鵝黃用杜詩並已見

曳杖青苔岸繫船枯柳根德公方上塚季路獨畱言已

占蒲魚港更開松菊園從茲來往數兒女自磨門

襄陽記司馬德操詣龐公值其渡河上先人墓注冉見陶潛歸去來辭三徑就荒松菊猶存杜詩曬藥能無婦磨門幸有兒晉書李密傳磨門無三尺之童

次韻孫祕丞見贈

感慨清哀似變風老於詩句耳偏聰迂疎自笑成何事

冷淡誰能用許功不怕飛蚊如立豹肯隨白鳥過垂虹

吟哦相對忘三伏擬泛冰谿入雪宮

公自注湖州多蚊蚋豹脚尤毒垂虹吳江亭名

冷淡用白樂天冷淡生活語詳見十卷游廬山次韻夏小正白鳥蚊蚋也金樓子白鳥蚊也齊桓公臥栢寢謂仲父曰一物失所寡人悒悒今白鳥營營是必饑耳因開翠紗廚進之曆忌釋伏者何也金氣伏藏之日也金畏於火故至庚日必伏陰陽書後夏至後第三庚爲初伏四庚爲中伏立秋後初庚爲終伏故謂之三伏王注世謂湖州爲水精宮言其四面皆水雪宮借用孟子字

與客游道場何山得鳥字

起句可加面首六字
中不立波折

清谿到山盡飛路盤空小紅亭與白塔隱見喬木杪中
休得小菴孤絕寄雲表洞庭在北戶雲水天渺渺菴僧
俗緣盡淨業洗未了十年畫鵲竹益以詩自繞高堂儼
像設禪室各深窈奔泉何處來華屋過谿沼何山隔幽
谷去路清且悄長松度翠蔓絕壁挂唬鳥我友自杭來
尚歎所歷少歸途風雨作一洗紅日燎俄驚萬竅號黑
霧卷蓬蓼舟人紛變色坐羨輕鷗矯我獨喚酒杯醉死
勝流殍書生例強很造物空煩擾更將掀舞勢把燭畫
風篠美人爲破顏正似腰支嫋明朝更陳迹清景墮空
杳作詩記餘歡萬古一昏曉

平生一箇字
勝過如仙仙

吳興統記郡有五亭曰白蘋亭集芳亭山光亭朝發亭碧波亭又有白塔巷有白石塔在焉因名楚辭招魂像設君室靜聞安些括地志何山本名金蓋山晉何楷居此習業後爲吳興太守改爲何山唐書吳興傳自爲墓志云青山白雲人也以醉死

僕去杭五年吳中仍歲大饑疫故人往往逝去
聞湖上僧舍不復往日繁麗獨淨慈本長老學
者益盛作詩寄之

來往三吳一夢閒故人半作冢纍然獨依舊社傳眞法
要與遺民度厄年趙叟近聞返印綬竺翁先已反林泉
何時策杖相隨去任性逍遙不學禪

朱長文吳郡圖經續記漢永建四年分會稽爲吳郡以湖江中流爲界晉宋齊梁陳之閒雖頗割地而不改與吳興丹陽號爲三吳神仙傳丁令威云何不學仙家纍纍左傳閔二年衛之遺民男女七百有二十人漢王莽傳莽下書曰子遭陽九之阨百六之會國用不足民人騷動今阨會已度趙叟謂趙清獻公抃前一歲以

宮師致仕竺翁

指淨慈本長老

舶趲風 并引

吳中梅雨旣過颯然清風彌旬歲歲如此湖人謂
之舶趲風是時海舶初回云此風自海上與舶俱
至云爾

三旬已過黃梅雨萬里初來舶趲風幾處縈回度山曲
一時清駛滿江東驚飄蔌蔌先秋葉喚醒昏昏嗜睡翁
欲作蘭臺快哉賦卻嫌分別問雌雄

宋玉風賦楚襄王遊於蘭臺之宮有風颯然而至乃披襟當之曰快哉此風寡人
所與庶人共者耶玉對曰此獨大王之風耳庶人安得而共之曰豈有說乎玉曰
發明耳目寧體使人此大王之雄風
召鰭鯨獲死生不卒比庶人之雄風

丁公默送蝓蚌

溪邊石蟹小如錢，喜見輪囷赤玉盤。
半殼含黃宜點酒，兩螯斫雪勸加餐。
蠻珍海錯聞名久，怪雨腥風入坐寒。
堪笑吳興饒太守，一詩換得兩尖團。

胡越風物志：蝓蚌并贅十足，生海邊泥穴中，潮退採取之，四時常有。雌者贅大而肥重者，踰數斤，去脂渾煮，熟分擘薦酒，切爲羹，其小而黃者謂之石蝓蚌，肉硬，歷於檢切。西陽雜俎：蝓蚌大者長尺餘，兩螯最強，鄮縣昔有人於水際泥穴採取之，爲螯所翦夾，有頃而死，至今呼此爲蝓蚌洲。

送孫著作赴考城兼寄錢醇老李邦直二君於
孫處有書見及

使君閑如雲，欲出誰可伴。
清風獨無事，一嘯亦可喚。
來從白蘋洲，吹我明月觀。
門前遠行客，青衫流白汗。
問子

何恩恩王事不可緩故人錢與李清廟兩圭瓚蔚爲萬
乘器尚記溝中斷子亦東南珍價重不可算別情何以
慰酒盡對空案惟持一榻涼勸子巾少岸此風那復有
塵土飛灰炭欲寄二大夫發發不可絆

後漢方術傳趙炳嘗臨水求度船人不和之炳乃張蓋坐其中長嘯呼風亂流而
濟注和猶許也俗本作知者誤李方直白蘋亭記洲在郡城南東亂雲溪據洲之
陽揭大亭一焉一曰梁柳惲爲吳興太守賦詩於此因以名洲清廟詩頌篇名尚
書平王錫晉文侯桓公圭瓚孔氏云以圭爲杓柄謂之圭瓚漢鄒陽傳蟠木根柢
輪囷離奇而爲萬乘器者以左右先爲之容也莊子天地篇百年之木破爲犧樽
青黃而文之其斷在溝中比犧樽於溝中之斷則美惡有閒矣其於失性一也詩
小雅南山烈烈飄風發發

泛舟城南會者五六分韻賦詩得人皆苦炎字

四首

入手逐逐物不單賜

石塘常之氣

城中樓閣似魚鱗不見清風起白蘋試選苕谿最深處
仍呼我輩不羈人窺船野鶴何曾下見燭飛蟲空自馴
遶郭荷花一千頃誰知六月下塘春

劉禹錫湖州詩酒對青山月琴韻白蘋風孟東野送陸暢歸湖州詩渺渺雪谿前
白蘋多清風韓退之送惠師詩惠師浮屠者乃是不羈人白樂天餘杭詩遶郭荷
花三十里按今震澤以南派太湖之水亂苕谿
二谿以通舟楫東盡吳興西盡餘杭名曰下塘

苦熱誠知處處皆何當危坐學心齋海螯要共詩人把
谿月行遭霧雨霾鄉國飄零斷書信弟兄流落隔江淮
便應築室苕谿上荷葉遮門水浸堦

管子弟子職篇危坐鄉師顏色毋作後漢茅容避雨樹下危坐愈恭莊子人間世顏
回曰敢問心齋仲尼曰唯道集虛虛者心齋也把螯用畢卓左手持蟹螯語注已見
紫蟹鱸魚賤如土得錢相付何曾數碧筍時作象鼻彎

白酒微帶荷心苦運肘風生看斫鱸隨刀雪落驚飛縷
不將醉語作新詩飽食應慙腹如鼓

後漢謠河間詭女工數錢西陽雜俎魏正始中鄭公愨守濟南夏日率僚佐避暑於歷城之北使君林下以大荷葉酌酒以簪刺其心令與柄通莖上輪囷如象鼻傳飲之名碧甯杯歷下學之言酒味雜蓮氣香冷勝於冰實子野酒譜亦云白樂天詩味苦蓮心小漿沽蔗節稠杜子美設鱸歌無聲細下飛碎雪又詩刀鳴鱸縷飛張景陽七命乃命支離飛霜踞紅肌綺散素膚雪落西陽雜俎南孝廉者善斫鱸殼薄絲縷因會客忽雷震鱸悉化為蝴蝶飛去

橋上游人夜未厭共依水檻立風簷樓中煮酒初嘗茨
月夜新粧半出簾南郭清游繼顏謝北牕歸臥等羲炎
人間寒熱無窮事自笑疎頑不受疔

顧况湖州刺史聽記在晉則謝安謝萬王羲之獻之國朝則顏魯公左傳昭二十年齊侯疥遂店杜預曰疔瘡也後漢景丹傳壯士不病瘡

贈王郎一首

一作與王郎夜飲井水此詩墨蹟刻石成都帖而集中失載王郎乃子由壻子立也是時從先生於吳興

吳興六月水泉溫千頃菰蒲聚鬪蚊此井獨能深一丈

□□一作源龍如我亦知君

一題以送李公擇梅花次韻李公擇梅花

借題抒意梅花此亦隱微
字歸此花便是自喻

詩人固長貧日午饑未動偶然得一飽萬象困嘲弄尋
花不論命愛雪長忍凍天公非不憐聽飽即喧闐君為
三郡守所至滿賓從江湖常在眼詩酒事豪縱奉使今
折磨清比於陵仲永懷茶山下攜妓修春貢更憶檻泉
亭插花雲髻重蕭然臥灑麓愁聽春禽哢忽見早梅花
不飲但孤調詩成獨寄我字字愈頭痛嗟君本待臣筆
橐從上雍脫鞞吟芍藥給札賦雲夢何人慰流落嘉驍

末二句有宿語其
不隔

天為種杯傾笛中吟帽拂果下鞦韆時念羈旅此意吾
儕共故山亦何有桐花集么鳳君亦憶匡廬歸掃藏書
洞何當種此花各抱漢陰蘗

韓退之嘲少年詩直把春償酒都將命乞花孟東野詩文士莫辭酒詩人命屬花
高士傳陳仲字子終適楚居於陵列女傳楚王欲以子終為相入告於妻妻曰亂
世多害於是相與逃而為人灌園張君房說湖州長城縣啄木嶺金沙泉每歲
造茶之所也泉處沙中居常無水湖常二郡守至於境會亭具犧牲拜敕祭泉其
夕清溢及造茶畢水即微減供堂者畢水已半之太守造畢即涸矣守或還旆稽
晚則有風雷之變云爾雅樛泉正出正出者湧出也三國志魏太祖先苦頭風臥
讀陳琳所作機翁然而起曰此愈我病數加厚賜見王粲傳注漢趙充國傳張安
世本持橐籥筆事孝武帝數十年注橐籥囊也近臣負橐籥筆從備顧問或有所
紀也漢司馬遷傳報任安書云迫季冬僕又薄從上孫雍楊妃外傳開元中植木
芍藥於沈香亭前曾花繁開召李白立進清平調詞上自是顧李翰林異於他學
士會高力士以脫鞵為恥摘其詞以激楊妃帝欲官白妃輒沮止漢司馬相如傳
請為天子游獵之賦上令尚書給筆札賦云楚有七澤嘗見其一未觀其餘也臣
之所見蓋特其小小者爾名曰雲夢雲夢者方九百里杜荀鶴梅花詩謝公吟賞
愁飄落可得更拈長笛吹撫遺蜀州紅梅閣東壁有詩憑仗高樓莫吹笛大家雷

取倚闌干因笛中有落梅曲故云後漢藏豹下馬高三尺乘之可於果樹下行王注西蜀有桐花鳥似鳳而小人謂之倒挂子先生梅詞所謂倒挂綠毛幺鳳是也先生李氏山房記公擇少時讀書於廬五老峰下白石菴之僧舍藏書凡九千餘卷莊子天地篇漢陰丈人方將爲圃鑿隧而入井抱甕而出灌捐捐然用力多而見功寡

送淵師歸徑山

我昔嘗爲徑山客至今詩筆餘山色師住此山三十年
妙語應須得山骨谿城六月水雲蒸飛蚊猛捷如花鷹
羨師方丈冰雪冷蘭膏不動長明燈山中故人知我至
爭來問訊今何似爲言百事不如人兩眼猶能書細字

公自注徑山夏無蚊余舊詩云問龍乞水歸洗眼欲看細字銷殘年

傳燈錄達磨欲返西竺命門人各言所得乃謂道育曰汝得吾骨最後慧可禮拜依位而立祖曰吾得吾髓

送表忠觀錢道士歸杭

并引

通教自杭來見余於吳興問觀亦卒工乎曰未也
杭人比歲不登莫有助我者余曰異哉杭人重施
輕財是不獨爲福田今歲成矣其行乎及還作詩

送之

集中不載此引道士吳大錢之弟子也嘗見墨迹今錄公表忠觀碑載趙抃知杭州言故吳越國王錢氏墳廟在錢塘臨安者皆蕪

廢不治請以妙因院爲觀使民之孫爲道士曰自然者居之以守其墳廟詔許之改妙因爲表忠錢道士卽碑中名自然者號通教大師

先王舊德在民心著令稱忠上意深墮淚行看會祠下
挂名爭欲刻碑陰淒涼破一塵凝坐憔悴雲孫雪滿簪
未信諸豪容郭解卻從他施千金

漢書吳芮傳徙爲長沙王薨謚曰文其定著令注漢約非劉氏不王而芮

初文王芮高祖賢之制詔御史長沙王忠著令中使特王也或曰以芮墓忠故著

令也晉羊祜傳襄陽百姓於峴山祜平生游憩之所建碑立廟歲時饗祭焉望其碑者莫不流涕杜預因名爲墮淚碑漢郭解傳洛陽人有相仇者邑中賢豪居閒以十數終不聽客乃見解解夜見仇家曲聽解解曰今子幸而聽我奈何從他縣奪人邑賢士大夫權乎更夜去不使人知

次韻周開祖長官兄寄

墨迹藏吳興向氏前題云次韻奉和樂清開祖長官見寄後題云元

豐二年六月十三日墨興郡齋作旋見兒童迎細侯墨迹作已且當是續改此一字

俯仰東西閱數州老於岐路豈伶優初聞父老推謝令

旋一作已

見兒童迎細侯政拙年年祈水旱民勞處處避嘲

謳河吞巨野那容塞盜入蒙山不易搜仕道固應慙孔

孟扶顛未可責求由漸謀田舍猶懷祿未脫風濤且傍

洲惘惘可憐真喪狗時時相觸是虛舟竭來震澤都如

夢只有苕溪可倚樓齋釀酸話如蜜水樂工零落似風

甌

疑作鷗

遠思顏柳并諸謝近憶張陳與老劉

公自注謂張子野陳令舉劉孝叔

風

定軒牕飛豹脚雨餘欄檻上
鰲牛舊游到處皆蒼蘚同
甲惟君尚黑頭憶昔湖山共
尋勝相逢杯酒兩忘憂醉
看梅雪清香過夜棹風船駭
汗流百首共成山上集三
人俱作月中游海南未起垂
天翼澗底仍依徑寸麻已
許春風歸過我預憂詩筆老
難酬此生歲月行飄忽晚
節功名亦謬悠犀首正緣無
事飲馮驩應爲有魚畱從
今更踏青州麴薄酒知君笑
督郵

晉書循吏傳鄧攸爲吳郡守刑政清明後稱疾去職百姓數千人畱牽攸船不得
進攸乃小停夜中發去吳人歌之曰統如打五鼓雞鳴天欲曙鄧侯挽不畱謝令
推不去又互見前注後漢郭伋字細侯爲并州牧始至行部到西河美稷有兒童
數百各騎竹馬道次拜迎漢溝洫志孝武元年中河決於瓠子東南注鉅野壅之

輒復場子虞楚汝亡人哉惛惛乎欲反汝情性而無由入可憐哉更記孔子
獨立郭東門鄭人曰東門有人其顛似堯其項類臯陶其肩類子產然自腰以下
不及禹三寸纍纍若喪家之狗莊子山木蘆方舟而濟於河有虛船來觸舟雖有
偏心之人不怒吳興詩序東晉王謝諸公莫不游而樂之而城中觀游之最則水
堂見於柳惲若顏真卿之忠毅又不獨以篇詠著左太冲詠史詩鬱鬱淵底松離
離山上苗以彼徑寸莖蔭此百尺條再見犀首注屢見史記孟嘗君傳馮驩居孟
嘗傳舍彈其劍而歌曰長鋏歸來乎食無魚孟嘗君遷之幸舍食有魚矣青州督
郵用世說桓溫主簿事詳見十五卷九日次韻王鞏詩注公烏臺詩話載知湖州
有周邠作詩寄軾軾荅云云自言遷徙數州未蒙朝廷擢用老於道路并所至遇
水旱盜賊夫役數起民蒙其害以譏諷朝廷政事闕失并新法不便之所致也仕
道云云以言已仕而道不行則非事道也故有慙於孔孟孔子
責由云云顛而不扶意以諷朝廷大臣不能扶正其顛仆也

林子中以詩寄文與可及魯與可既沒追和其

韻

斯人所共厭投畀每不受欲其少須臾奪才在恐後云
誰尸此職無乃亦假守賦才有巨細無異斛與斗胡不

安其分但聽物所誘時來各飛動意合無妍醜坐令雞
栖車長載朱伯厚平生無一旅既死咤萬口自聞與可
亡胸臆生堆阜懸知臨絕意要我一執手相望五百里
安得自其牖遺文付來哲後事待諸友伶俜嵇紹孤老
病孟光偶世人賤目見爭笑千金帚君詩與楚詞識者
當有取但知愛墨竹此歎吾已久故人多厚祿能復哀
君否不見祢與蘇饑寒自奔走

詩云伯厚字伯厚人投界有北有北不受漢賈山傳願少須臾母死唐楊綰傳綰
漢帝曰伯厚如之速耶漢項籍傳注假守兼守也後漢朱震字伯厚為州從事奏
請陰太守巨臧罪帝收匡下廷尉諺曰車如雞栖馬如狗疾惡如風朱伯厚左
傳哀五年有眾一旅杜預曰五百人為旅晉山濤傳與嵇康善康臨誅謂子紹曰
巨源有子不孤矣濤字巨源張平子東京賦若客所謂木學膚受貴耳而賤目者
上二魏文帝典論家有弊帚享之千金注已見劉勰辨騷楚詞者體慢於三代而風

往於戰國乃雅頌之
詩賦之英傑也

與王郎昆仲及兒子邁遶城觀荷花登峴山亭

晚入飛英寺分韻得月明星稀四首

吳興統記峴山在州南五里本

名顯山晉吳興太守段康於
山上起顯亭後改曰峴山亭

各作清古却仍用平
也不紀不王孟形模

昨夜雨烏集曉來風襲月蕭然欲秋意豁水清可啜環
城三十里處處皆佳絕蒲蓮浩如海時見舟一葉此閒
真遇世青弱低白髮相逢欲相問已逐驚鷗沒

吳興統記傳登飛英寺月韓退之谿堂詩淺有蒲蓮
亦有兼章社子主詩白鷗沒浩蕩萬里誰能馴

清風定仰物可愛不可名所至如君子草木有嘉聲我
本無事孤舟任斜橫中流自偃仰適與風相迎舉杯

此言以朴至勝

屬港溫然此雨無情歸來雨谿間雲水夜自明

苔水如漢水鱗鱗鴨頭青吳興勝襄陽萬瓦浮青冥我

弄羊叔子愧此峴山亭悲傷意則同歲月如流星從我

兩王子高鴻插修翎湛輩何足道當以德自銘

李曰表陽歌遙看漢水鴨頭綠恰似蒲萄新潑醅再見晉書羊祜傳祜樂山水每風景必造峴山置酒言詠終日不倦嘗慨然歎息顧謂從事鄒湛云云湛曰公德冠四海道嗣前哲令聞令望必與此山俱傳至若湛輩乃當如公言耳

祜字叔子又互見十一卷登常山絕頂詩註兩王子謂王適王適也

吏民憐我懶鬪訟日已稀能為無事飲可作不夜歸復

尋飛英游盡此一寸暉撞鐘履聲集顛倒雲山衣我來

無時節杖屨自推扉莫作使君看外似中已非

李德裕獻替記出

不至遠歸不近夜

城南縣尉水亭得長字

東坡先生長律寄某
機石動中興一筆四書
石中推砌而為

市田云溪田山小田

兩尉鬱相望東西百步場揮旗蒲柳市伐鼓水雲鄉已
作觀魚檻仍開射鴨堂全家依畫舫極目亂紅粧潏潏
波頭細疎疎雨脚長我來閑濯足谿漲欲浮牀澤國山
園裏孤城水影傍欲知歸路處葦外記風檣

三注百步場尉司教閱處也揮旗伐鼓以言尉之事蒲柳市水雲鄉則言湖州也
唐孟郊為梁陽尉開射鴨堂左傳隱五年春公將如棠觀魚杜子美詩幾時來
節詩地引紅粧又詩雨脚如麻未斷絕劉禹錫詩
國故國周詩在李涉潤州詩孤城吹角水茫茫

漁胡祠部游法華山

破湖欲盡山為界始見寒泉落高派道人未放泉出山
曲折虛堂瀉清快使君年老尚兒戲綠棹紅船舞澎湃

一笑翻杯水淺希餘歡濯足波生隘長松攬天龍起立
倉藤倒谷雲崩壞仰穿蒙密得清曠一覽震澤吁可怪
進云四萬八千頃渺渺東盡日所矚歸塗十里盡風荷
清唱一聲聞露筵公自注是日樂工有作此聲者嗟予少小慕真隱白髮青
衫天所械忽逢佳士與名山何異枯楊便馬疥君猶鸞
鶴偶飄墮六翮如雲豈長鍛不將新句紀茲游恐負山
中清淨債

漢司馬相如傳上林賦八川分流洶湧澎湃抒情詩李相蔚鎮淮南祖送孫處士
舟子同篙潑水近坐效濕衣孫爲楊柳調口從教水淺羅裙濕還道朝來行雨歸
又見九卷蘇州問丘江君詩注作李紳裴餘慶事姑並存之魯靈光殿賦吁可畏
乎其駭人也後漢周舉傳上巳梁商燕於洛水酒闌唱罷繼以雄露之歌坐者皆
爲掩涕南史宋何尚之致仕於方山爲退居賦以明所守後還攝職哀淑乃錄古
來隱士有迹無名者爲直隱傳以嗤焉揚子鷦明冲天不在六翮乎拔而傳尸鳩

十六日矣夫謝宣遠答
王逸遠詩數翻周數勿

又次前韻贈賈耘老

吳區吞滅三州界浩浩湯湯納千派從來不著萬斛船
一葦漁舟恣奔快仙壇古洞不可到空聽餘瀾鳴泝泝
今朝偶上法華嶺縱觀始覺人寰隘山頭臥碣弔孤豕
一有至人僵不壞空餘白棘網秋蟲無復青蓮出幽怪
我來徒倚長松下欲掘茯苓親洗曬聞道山中富奇藥
往往靈芝雜葵薤詩人空腹待黃精生事只看長柄械
言法華詩云長鑣長鑣
三本而我生托子以為命今年大熟期一飽食葉微蟲真癢疥
言法華詩云今歲有小
蟲食之其為害白花半落紫穠香攘臂欲助磨鎌鋤安得

山不妻春酒與子一洗尋常債

蘇東坡南曰揚州其山鎮曰會稽其澤藪曰具區蘇州圖經具區接蘇常湖秀四
海之衝一曰大小山七十二洞庭居其一焉十道記太湖廣三萬六千頃下有地道
通三陽之龍威丈人之所居法華經有人聞是品能隨喜讚善者是人口中常
有甘露香華潮州法華山昔有樵夫入山得青蓮一枝蓋生於平陸因持入市
人爭之至爭時且異其事乃從樵夫還至本處掘地視之下有石匣中藏一童子
舌繫一蓮花目舌出是人生持誦法華經致此勝果故以名其山事具寺碑牛僧
孺有詩怪錄史記龜策傳下有伏靈上有兔絲所謂伏靈者在兔絲之下狀似飛
鳥之無一又伏靈者千歲松根也伏靈與茯苓同杜子美放歌行知子松根是茯苓
還暮有意來同煮又詩酒債尋常行處有三國孫濟權之叔也嗜酒不治產常醉
屢欠酒緡人皆笑之濟恬然自若謂人曰尋常行坐處欠人酒債欲貸此緡袍償之

趙閱道高齋

冷齋夜語趙閱道休官歸老三衢作高齋居之與鍾山佛慧禪師爲方外交

見公奔走謂公勞聞公隱退云公高公心底處有高下
夢幻去來隨所遭不知高齋竟何義此名之設緣吾曹
公年四十已得道俗緣未盡餘伊臯功名富貴俱逆旅

黃金知繫何人袍超然已了一大事挂冠而去真秋毫
坐看猿猱落置罔兩手未甯置所操乃知賢達與愚陋
豈直相去九牛毛長松百尺不自覺企而羨者蓬與蒿
我欲贏糧往問道未應舉臂詞一作盧敖

法華經諸佛出世唯以一大事因緣故出現於世晉華嚴傳或問譚曰謠言人之相去如九牛毛寧有是乎譚曰卽許由巢父讓天子之貴市道小人爭半錢之利此之相去何啻九牛毛也漢司馬遷傳若九牛亡一毛韓退之詩自慙青蒿倚長松莊子庚桑楚南榮越贏糧七日七夜至老子之所淮南子盧敖游乎北海遇一若士教自謂觀乎六合之外若士舉臂而竦身遂入雲中敖歎曰猶黃鵠之與壤蟲不亦悲哉

送俞節推

公自注尚之子尚字退翁按俞節推名溫父湖州烏程人父汝尚字退翁第進士僉書劍南西川判官趙清獻

公守蜀入輒相對清談竟暮王介甫當國惠一時故老不同已或言退翁清望可宣之御史卽召諸京師旣知所以薦用意力辭得免還家苦貧又從清獻於青州遂以屯田郎中致仕子由寄其詩首云不作清時言事官歸邇年忽告其妻黃曰人生七十者稀吾

與夫人皆以過之可往矣黃曰我先去退翁曰善後三日黃沐浴
化去退翁明日召諸子告曰吾亦行矣俄隱几而終孫莘老以為
事類龐公表其墓
而秦少游為書之

夫與有君子淡如朱絲琴一唱三太息至今有遺音嗟

余與夫子相避如辰參

公自注退翁官於蜀余在京師余歸而退翁去及余官於吳興則退翁亡矣

猶喜

諸郎竊然清且深異時多良士末路喪初心我生不

有命其可枉尺尋

子吾不睹參辰之相比也孟東野出門

參辰出沒不相待我欲橫天無羽翰

次韻答孫侔

孫侔字少述湖州人

十年身不到朝廷欲伴騷人賦落英但得低頭拜東野
不辭中路伺淵明艤舟苕霅人安在下築江淮計已成

千里論交一言足與君蓋亦不須傾

韓退之醉留東野詩低頭拜東野願得始終如驅望晉陶潛傳刺史王弘造之潛稱疾不見弘令久候之密知當往廬山乃齎酒先於半道要之潛既遇酒便引酌詩序欣然忘進弘乃出與相見遂歡宴窮日後漢范式傳與張劬為友二人並告歸里式謂劬曰後二年當過拜尊親見孺子劬尅期候之母曰二年之別千里一言何相見之速耶對曰式至其日果至

重寄

陸務觀云孫少述一字正之與荆公交最厚故荆公別少述詩云應須一曲千回首去論心有幾人又云子今去此未何時

後有不可誰予規其相予如此及荆公當國數年不復相聞人謂一公之交遂睽故公詩云云劉貢父亦有詩曰不負與公遂初賦

絕交書

豪然高節照時人不信微官解浼君
蔣濟謂能來阮籍
壽宣真欲吏朱雲好詩衝口誰能擇俗子疑人未遣聞
乞取千篇看俊逸不將輕比鮑參軍

晉阮瞻字仲容，清談聞其有奇才而辟之籍，都亭奏記乞迴繆恩以光清舉。初濟
元籍嘗至其門，瞻逆之而籍已去，濟大怒，於是鄉親共諷之乃就吏竟謝病歸。
季雲相其書，言其十五卷次韻正輩，雷別詩注。
清新廣開府俊逸鮑參軍

次韻和劉貢父登黃樓見寄并寄子由二首

清派連滄上黃樓冠海隅

一作隅

此詩九偉麗夫子計魁梧

公自注劉
為人短小

世俗輕瑚璉巾箱襲武夫坐令乘傳遽奔走為

儲須邂逅我已失登臨誰與俱貧貧倉氏粟身聽冶家

撫會合難前定歸休試後圖腴田未可買

公自注本欲買田於
泗上近已不遂矣

窮鬼卻須呼二水何年到雙洪不受艫至今清夜夢飛

轡策天吳

公自注此
詩寄劉

漢書張良傳贊曰聞張良之智勇以為其貌魁梧奇偉反若婦人女子武大與武
珎通唐韻珎珎石似玉又傳遽驛也以車曰傳以馬曰遽韓退之送窮文結卿作

車縛草為船載與張三揖窮鬼而告之云云於是上手稱謝
燒車與船延之上坐山海經天吳水神也八首十尾亦曰河伯

與子皆去國十年天一隅數奇逢惡歲計拙集枯梧好

士餘劉表窮交憶灌夫不矜持漢節猶喜攬桓須清句

金絲合高樓雪月俱吟哦出新意指畫想前櫺公自注子由初赴南

京送之出東門登城上覽山川之勝云此處可作樓觀於是始有改築之意自寫千言賦新裁六幅圖公自注子由

以絹寫子由黃樓傳看一坐聳勸著尺書呼莫使騷人怨東

游不到吳公自注此詩寄子由

莊子徐無鬼越之流入去國期年見似人者而喜矣漢書李廣傳從大將軍青擊匈奴大將軍陰受上指以為李廣數奇恐不得所欲毋令當單于國語中飲優施

起公自注劉表已獨集於枯後漢劉表為荊州刺史愛民養士學士歸者千數漢灌夫

傳士在已左公自注急貧賤尤益禮敬與釣稠人廣眾薦寵下輩士亦以此多之漢汲黯

以便宜持節發河內粟以賑貧民蘇武傳在匈奴中仗漢節牧羊晉桓伊傳謝

安得真須曰使君於此不凡詳
卷三卷陪歐陽讌西湖詩注

陳州與文郎逸民飲別攜手河堤上作此詩

白酒無聲滑瀉油醉行堤上散吾愁春風料峭羊角轉
河水渺綿瓜蔓流君已思歸夢已峽我能未到說黃州
此生聚散何窮已未忍悲歌學楚囚

水衡記三月三月桃花水五月瓜蔓水謂瓜蔓延故以名左傳成九年晉侯觀於
軍府見鍾儀問之曰南冠而縶者誰也有司對曰鄭人所獻楚囚也使稅之晉王
尊傳過江人士每暇日相邀出新亭飲宴周顗中坐臥曰風景不殊舉目有山河
之異皆相視流涕導慨然變色曰當共戮力王室克復神州何至作楚囚對泣耶

子由自南都來陳三日而別

天子自逐客尚能哀楚囚奔馳二百里徑來寬我憂相
逢知有得道眼清不流別來未一年落盡驕氣浮嗟我

晚聞道款啟如孫休至言難久服放心不自收悟彼一
知識妙藥應所投納之憂患場磨以百日愁冥頑雖難
化鑄發亦已周平時種種心次第去莫留但餘無所還
永與夫子游此別何足道大江東西州畏蛇不下榻睡
足吾無求便為齊安民何必歸故丘

又說老子傳謂孔子曰去子之驕氣與多欲態色與淫志是皆無益於子之身莊
子達生篇孫休款啟寡聞之民也注款孔也啟問也言所見之小維摩經佛為大
醫王應病與藥令得服行左傳昭三年盧蒲癸曰余髮如此種種余奚能為金剛
經眾生若干種心如來悉知楞嚴經佛告阿難今當示汝無所還地韓退之贈張
功曹詩下牀畏蛇食畏藥杜牧詩平生睡
足處雲夢澤南州再見圖經黃州齊安郡

正月十八日蔡州道上遇雪次子由韻二首

蘭菊有生意微陽回寸根方憂集暮雪復喜迎朝暾憶

我故居亡浮光動南軒松竹半傾瀉未數葵與萱三徑
瑤草合一餅井花溫至今行吟處尚餘履舄痕一朝出
從仕永媿李仲元晚歲益可羞犯雪方南奔山城買廢
園
手自掀長使齊安人指說故侯園

揚子或問子蜀人也請人曰有李仲元者不屈其意不累其身不夷不惠可否之間也
仲元世之師也漢蕭何傳召平者故秦東陵侯種瓜長安城東瓜美故世謂東陵瓜

鉛膏染髭須旋露霜雪根不如閉目坐丹府夜自瞰誰
知憂患中方寸寓羲軒大雪從壓屋我非兒女萱平生
學踵息坐覺兩轡溫下馬作雪詩滿地鞭箠佇立望
原野悲歌爲黎元道逢射獵子遙指狐兔奔蹤迹尚可
原窟穴何足掀寄謝李丞相吾將反丘園

南史何長瑜作韻語云陸展染白髮欲以媚側室青青不解久星星行復出子東
野百憂詩萱草兒女花不解壯士憂莊子大宗師真人之息以踵衆人之息以喉
三注李丞相指李斯蓋用葦黃
上蔡東門語也注已見

過新息畱示鄉人任師中

公自注任時知瀘州亦坐事對獄

昔年嘗羨任夫子卜居新息臨淮水怪君便爾忘故鄉

稻熟魚肥信清美竹陂鴈起天爲黑

公自注小竹陂在縣北

桐柏煙橫

山半紫

公自注桐柏廟在縣南

知君坐受兒女困悔不先歸弄清泚塵

矣我亦失收身此行踴躍尤可鄙寄食方將依白足附

書未免煩黃耳往雖不及來有年詔恩儻許歸田里卻

下關山入蔡州爲買烏犍三百尾

公自注黃州出水牛

是是詞篇名九域志蔡州新息縣史記韓信傳呂后使武士縛信信曰吾悔不
用蒯通之計乃爲兒女子所誑歐陽公詩何日早收身江河一漁艇杜子美贈李

目入詩蒼茫風塵際續證騏驎老
白反黃耳竝已見說文犍牯也

過淝

朝離新息縣初亂一水碧暮宿淮南村已渡千山赤
磨
民號古戍霧雨暗破驛回頭梁楚郊永與中原隔黃州
在何許想像雲夢澤吾生如寄耳初不擇所適但有魚
與稻生理已自畢獨喜小兒子少小事安佚相從艱難
中肝肺如鐵石便應與晤語何止寄衰疾
公自注時家在子由處獨與兒子邁南來
水經注淮水出南陽平氏縣胎簪山東北過桐柏山又東逕新息縣南
尚書亂於河雲夢注屢見魏武故事長史王必忠能勤事心如鐵石

施註蘇詩卷之十七

施註蘇詩卷之十八

漫堂先生宋 犖

長洲顧嗣立

樸園先生張榕端

閱定

毗陵邵長蘅

刪補

商丘宋 至

詩五十三首

起元豐三年庚申以後在黃州作

書磨公詩後

并引 磨音奴昆反香有太史令郭磨也

過加祿鎮南二十五里大許店休馬於逆旅祁宗

祥家見壁上有幅紙題詩云滿院秋光濃欲滴老

僧倚杖清松側只怪高聲問不應瞋余踏破蒼苔

色其後題云湓水僧寶磨宗祥謂余此光黃圃狂

僧也年百三十死於熙寧十年既死人有見之者
宗祥言其異事甚多作是詩以識之磨公本名清
戒俗謂之戒和尚云

磨公昔未化來往淮山曲壽逾兩甲子氣壓諸尊宿但
忘濁惡世不受龍象蹴我來不及見悵望空遺躅霜顱
皓白毫鏤骨埋青玉皆云似達磨隻履還西竺壁閒餘
清詩字勢頗拔俗爲吟五字偈一洗凡眼肉

其五濁惡世維摩經龍象蹴蹋非驢所堪楞嚴經白毫宛轉五須彌鄴侯家傳
李泌每導引骨節珊珊然有聲人謂之鏤子骨晉庾亮傳將葬何充歎曰埋玉樹著
土中使人情何能已傳燈錄達磨逝三歲魏宋雲奉使西域遇之於松嶺手攜隻履翩
翩獨逝雲復命具奏其事帝令啟墳惟空棺一隻革履存焉金剛經如來有肉眼不

游淨居寺

并引

淨居寺在光山縣南四十里大蘇山之南小蘇山之北寺僧居仁爲余言齊天保中僧惠思過此見父老問其姓曰蘇氏又得二山名乃歎曰吾師告我遇三蘇則住遂畱結菴而父老竟無有蓋山神也其後僧智顗見思於此山而得法焉則世所謂思大和尚智者大師是也唐神龍中道岸禪師始建寺於其地廣明庚子之亂寺廢於兵火至乾興中乃復而賜名曰梵天云

予載游名山自製山中衣願言畢婚嫁攜手老翠微不悟俗緣在失身蹈危機刑名非夙學陷穽損積威遂恐

抄本

生死隔永與雲山違今日復何日芒屨自輕飛稽首兩

足尊舉頭雙涕揮靈山會未散八部猶光輝願從二聖

往一洗千劫非衰回竹溪月空翠搖煙霏鐘聲自送客

出谷猶依依回首吾家山歲晚將焉歸

後居佛地

畢婚嫁後漢向長事已見九卷次韻沈長官詩注史記申不害之學本於黃老而

主刑名又韓非喜刑名法術之學尚書錄乃穿孔氏云穿穿地陷獸漢司馬遷傳

猛虎處深山百獸震恐及在穿檻之中搖尾而求食積威約之漸也法華經稽首

兩足尊行集經如來世尊福足慧足稱兩足尊法華經鈔世尊於靈山會上為諸

大眾說二十八品放眉閒白毫相光照

三千大千世界又天龍八部咸悉歡喜

梅花二首

二首乃他句不記色

以梅自以

春來幽谷水潺潺的皪梅花草棘閒一夜東風吹石裂

半隨飛雪渡關山

高
防喘吐逆
年
活不復

漢司馬相如傳宜笑樂郭璞曰的鱗鮮白貌也高適聽吹笛詩借問梅花何處
落風吹一夜滿關山以陽公山齋絕句正當年少惜花時日日東風吹石裂齊安
拾遺關山岐亭
路有春風嶺

范孫子生情可幻

何人把酒慰深幽開白無聊落更愁幸有清谿三百曲
不辭相送到黃州

戲作種松

我昔少年日種松滿東岡初移一寸根瑣細如插秧二
年黃茅下一一攢麥芒三年出蓬艾滿山散牛羊不見
十餘年想作龍蛇長夜風波浪碎朝露珠璣香我欲食
其膏已伐百本桑公自注煮松脂法用桑柴灰水人事多乖迕神藥竟渺茫
謁來齊安野夾路須髯蒼會開龜蛇窟不惜斤斧瘡縱

傷星松評不燭于章
此種字句即所厭

五侯七貴

未得伏苓且當拾流肪釜盎百出入皎然散飛霜槁死
三彭仇澡換五穀腸青骨凝綠髓丹田發幽光白髮何
足道要使雙瞳方卻後五百年騎鶴還故鄉

老子美寄楊員外詩翻動神仙窟封題鳥獸形宣室志僧契虛遇人導游稚川仙
府真人問曰汝能絕三彭之仇乎三彭道書所謂彭質彭矯彭居也在人身中狀
如小兒有須毛人既死便作鬼耳黃庭經端於藥宮十九年三疊琴心化胎仙注
三疊琴心三丹田也又三丹田各方一寸曰寸田神仙傳李根兩目瞳子皆方

萬松亭

井引

麻城縣令張毅植萬松於道周以茫行者且以名
其亭去未十年而松之存者十不及三四傷來者
之不嗣其意也故作是詩

十年栽種百年規好德無人助我儀

公自注古語云一年之計樹
之以穀十年之計樹之以木

百年之計
樹之以德
縣令若同倉庾氏亭松應長子孫枝天公不救

斧斤厄野火解憐冰雪姿爲問幾株能合抱殷勤記取

角弓詩

詩大雅我儀圖之愛莫助之史記平準書爲吏者長子孫居官者以爲姓號如淳
白倉氏庾氏是也角弓用左傳李氏有嘉樹車詳見十六卷臺頭寺送宋希元注
杜子美懷李白詩更尋
嘉樹傳不忘角弓詩

張先生

并序

先生不知其名黃州故縣人本姓盧爲張氏所養
陽狂垢污寒暑不能侵常獨行市中夜或不知其
所止往來者欲見之多不能致余試使人召之欣
然而來旣至立而不言與之言不應使之坐不可

但俯仰熟視傳舍堂中久之而去夫孰非傳舍者
是中竟何有乎然余以有思惟心追躡其意蓋未
得也

熟視空堂竟不言故應知我未天全冒來傳舍人皆悅
能致先生子亦賢脫屣不妨眠糞屋流澌爭看浴冰川
士廉豈識桃椎妙妄意稱量未必然

莊子達生篇壹其性養其氣合其德以通乎物之所造若是者其天守全其神無
卻揚子叔孫通制君臣之儀徵先生於齊魯所不能致者二人王注本朝斬信者
得道之異人也常汚垢狎狂畫脫屣而行夜眠糞屋中人莫測之又楊文公說苑
曰郭忠恕大寒鑿冰而浴唐末桃椎傳高士廉爲益州長史備禮以請與之語不
答瞪視而出士廉再拜曰祭酒其使我以
無事治蜀耶乃簡條目薄賦歛州大治

咄 丁常所蓄朱陳村嫁娶圖

朱陳村在徐州豐縣白樂
天詩徐州古豐縣有村曰

陳去縣百餘里桑麻膏氣氤機梭聲軋軋牛驢走紛紛女汲澗水男採山上薪縣遠官事少山深人俗淳有財不行商有丁不入軍家家守村業頭白不出門田中老與幼相見何欣欣一村惟兩姓世世爲婚姻親疎居有族少長游有羣黃雞與白酒歡會不隔旬生者不遠別嫁娶先近隣死者不遠葬墳墓多遶村旣安生與死不苦形與神所以多壽考往往見玄孫

何年顧陸丹青手畫作朱陳嫁娶圖聞道一村惟兩姓

不將門戶買崔盧

歷代名畫記張懷瓘云像人之美顧得其神陸得其骨顧愷之陸探微也西川名畫錄趙德玄雍京人工畫車馬人物屋木山水天復中入蜀有朱陳村及豐沛盤車等畝至今相傳文中子什薛王劉崔盧之昏非古也何以視謹唐高士廉傳太宗以山東士人多尚閹閹嫁娶必多取貲故人謂之賣昏由是詔士廉等撰氏族志太宗曰我於崔盧李鄭無嫌今謀士勞臣何容納貨舊門向聲肯實買昏爲榮耶太上有立德其次立功其次立言其次有爵爲卿大夫世世不絕謂之門戶反是豈不感耶

我是朱陳舊使君勸耕曾入杏花村而今風物那堪畫

縣吏催錢夜打門

縣吏之董生行門外惟
知更日來徵租更索錢

少年時嘗過一村院見壁上有詩云夜涼疑有
雨院靜似無僧不知何人詩也宿黃州禪智寺
寺僧皆不在夜半雨作偶記此詩故作一絕

燈漸暗饑鼠出山雨忽來修竹鳴知是何人舊詩句

已應知我此時情

退之次石頭驛詩默
然都不語應識此時情

初到黃州

自笑平生爲口忙老來事業轉荒唐長江遶郭知魚美

以却和平

好竹連山覺筍香逐客不妨員外置詩人例作水曹郎

只慚無補絲毫事尚費官家壓酒囊

公自注檢校官例折文多得退酒袋

注子美比隣詩愛酒晉山簡能詩何水曹白樂天聽吳水部新詩明朝與向詩家

通水部如今不姓何說苑鮑白令之對秦始皇曰天下官則讓賢是也天下家則

三壽是也故五帝以天下為官三王以天下為家漢蓋寬饒傳韓氏易傳言五帝

王三王家天下家以傳子官以傳賢白樂天詩况無治道術坐受官家祿

定惠院寓居月夜偶出

人無事不出門偶逐東風轉良夜參差玉宇飛木末

繚繞香煙來月下江雲有態清自嬾竹露無聲浩如瀉

已驚弱柳萬絲垂尚有殘梅一枝亞清詩獨吟還自和

白酒已盡誰能借不辭青春忽忽過但恐懽意年年謝

目知醉耳愛松風會揀霜林結茅舍浮浮大甌長炊玉

自之對仗於此世為別
松如却是青果為人
旧松

查和內云此首與下篇
曲終情甚自仍風松与
定惠院海常詩各他
其物良是至云不知有誤
在臨上相三夜則事欠
太易

漚漚小槽如壓蔗

真味老更濃醉裏狂言醒可怕

閉門

一作信當

謝客對妻子倒冠落佩從嘲罵

後漢祭遵傳帝幸遵營饗士卒作黃門武樂良夜罷注云良猶深也南史陶弘景持愛松風庭院皆植松每聞其響欣然為樂杜牧之晚晴賦倒冠落佩今與世闊疎

次韻前篇

去年花落在徐州對月酣歌美清夜

公自注去年花下對月與張君厚王子中兄弟飲酒

作蘋字韻詩

今年黃州見花發小院閉門風露下萬事如花不

可期餘年似酒那禁瀉憶昔扁舟泝巴峽落帆樊口高

桅亞長江袞袞空自流白髮紛紛寧少借竟無五畝繼

沮溺空有千篇凌鮑謝至今歸計負雲山未免孤衾眠

客舍少年辛苦真食蓼老境安閑

一作清閑

如啖蔗饑寒未

清此石城而為

且安居憂患已空猶夢怕穿花踏月飲村酒免使醉歸

官長罵

陶淵明詩佳人美清夜達曙酣且歌韓退之詩大帆夜劃窮高桅百樂天詩何異
食蓼蟲不知苦是苦啖蔗用顧愷之事已見十六卷韓退之答張徹詩初味如啖
蔗遂通斯建瓴杜子美鄭廣文詩
醉卽騎馬歸頗遭官長罵再見

安國寺浴

老來百事懶身垢猶念浴衰髮不到耳尚煩月一沐山
城足薪炭煙霧蒙湯谷塵垢能幾何翛然脫羈梏披衣
坐小閣徹髮臨修竹心困萬緣空身安一牀足豈惟忘
淨穢兼以洗榮辱默歸毋多談此理觀要熟

安國寺尋春

起首詩

口以丰萬主在相、怒
下者有等其人或怀其人
子東慨然而惟子適隨
行此所謂抱憾丁也

臥聞百舌呼春風起尋花柳村村同城南古寺修竹合
小房曲檻欹深紅看花歎老憶年少對酒思家愁老翁
病眼不差雲母亂鬢絲強理茶煙中遙知二月王城外
玉仙洪福花如海薄羅勻霧蓋新粧快馬爭風鳴雜珮
玉川先生真可憐一生耽酒終無錢病過春風九十日
獨抱添丁看花發

孟東野樂府送花人老盡人悲花自開春秋經昭公二十二年劉子單子以王猛
入於王城呂希哲家塾記玉仙觀在京城宣化門外有陳道士者修葺亭臺栽種
花木甚盛洪福寺在京師黃魯直有同元明過洪福寺戲題詩云洪福僧園拂紺
紗舊題塵壁似昏鴉春殘已是風和雨更著遊人撼落花曹景宗傳騎快馬如龍
與年少輩數十騎云云覺耳後生風鼻頭出火盧仝詩天下薄夫苦耽酒玉川先
生也耽酒薄夫有錢恣張樂先生無錢養恬漠又示添丁子詩數日不食強人行
何忍索我抱
看滿樹花

寓居定惠院之東雜花滿山有海棠一株土人不知貴也

他日海棠自寓定惠院
夫此海棠必非他
日所種也
城石缺東垣也一時興到
不厭

初白云讀前年竟似此
常曲矣物在先生院
信一移此種詩境
却夢好園歌詩集
過古神理而化時
也絕作

江城地瘴蕃草木只有名花苦幽獨嫣然一笑竹籬間
桃李漫山總麤俗也知造物有深意故遣佳人在空谷
自然富貴出天姿不待金盤薦華屋朱唇得酒暈生臉
翠袖卷紗紅映肉林深霧暗曉光遲日暖風輕春睡足
雨中有淚亦悽愴月下無人更清淑先生食飽無一事
散步逍遙自捫腹不問人家與僧舍拄杖敲門看修竹
忽逢絕艷照衰朽歎息無言揩病目陋邦何處得此花
無乃好事移西蜀寸根千里不易到銜子飛來定鴻鵠

天涯流落俱可念爲飲一樽歌此曲明朝酒醒還獨來
雪落紛紛那忍觸

周易坤卦天地變化草木蕃楚詞九歌幽獨處乎山中宋玉賦嫣然一笑惑陽城
迷下蔡杜子美詩絕代有佳人幽居在空谷又天寒翠袖薄日暮倚修竹又寄蘇
侍御詩紅顏白面花映肉明皇雜錄上皇嘗登沉香亭召妃子時卯酒未醒高力
士從侍兒扶掖而至上皇笑曰豈是妃子醉耶海棠睡未足耳世說王子猷嘗行
過吳中見一士大夫家極有好竹王肩輿徑造竹下諷嘯良久南史袁粲爲丹陽
尹郡南一家有竹石率爾步往直造竹所嘯詠自得韓退之詩誰家多竹門可款
白樂天送春詩
百花落如雪

次韻樂著作作野步

老來幾不辨西東秋後霜林且強紅眼暈見花真是病
耳虛聞蟻定非聰酒醒不覺春彊半睡起常驚日過中
植杖偶逢爲黍客披衣閑詠舞雩風仰看落葉收松粉

俯見新芽摘杞叢楚雨還昏雲夢澤吳潮不到武昌宮

公自注黃州對岸武昌縣有孫權故宮

廢興古郡詩無數寂寞閑牕易粗通解

組歸來成二老風正他日與君同

圓覺經譬彼病目見空中花聞蟻晉殷仲堪父事注已見揚子是以過中則惕又聖人之道譬猶日之中矣不及則未過則是三國志吳主孫權二十五年自公安都鄂改名武昌杜子美贈贊公詩與子成二老來往亦風流已見蘅按公用粗字可通上聲十卷寄劉孝叔詩問道已許談其粗與組觀叶此詩寂寞閑牕易粗通亦作上聲想必有據

二月二十六日雨中熟睡至晚強起出門還作

此詩意思殊昏昏也

卯酒困三杯午餐便一肉雨聲來不斷睡味清且熟昏昏覺還臥展轉無由足彊起出門行孤夢猶可續泥深

竹雞語村暗鳩婦哭明朝看此詩睡語應難讀

白樂天詩空腹三杯卯後酒齋閑覽白蟻聞竹雞之聲盡化為水今山林多有之其聲自呼爲泥滑滑者是也歐陽公鳴鳩詩天將陰鳴鳩逐婦鳴中林鳩婦怒

呢無好音

雨晴後步至四望亭下魚池上遂自乾明寺前

東岡上歸二首

雨過浮萍合蛙聲滿四隣海棠真一夢梅子欲嘗新
拄杖閑挑菜鞦韆不見人殷勤木芍藥獨自殿餘春

梁宗懷荆楚歲時記春節懸長繩於高木士女坐立其上共推引之以爲戲名白鞦韆涅槃經謂之寶索天寶遺事禁中呼木芍藥爲牡丹論語奔而殿注在軍前曰啟後曰殿柳子厚芍藥詩
敬紅醉濃露窈窕畱餘春

高亭廢已久下有種魚塘暮色千山入春風百草香市

梅石老字之南

白芍藥意遠著

此詩既平壯意
尤似

中二寫意霸孤

橋人寂寂古寺竹蒼蒼鶴鶴來何處號鳴滿夕陽

段公路北戶雜錄陶朱公養魚經云凡種魚池中有數洲令魚循環無窮如在江湖柳子厚記蒼然暮色自遠而至杜子美絕句遲日江山麗春風花草香

雨中看牡丹三首

霧雨不成點映空疑有無時於花上見的
矇走明珠秀色洗紅粉暗香生雪膚黃昏更蕭瑟頭重欲相扶

杜子美詩鳴雨既過漸細微映空搖颺如絲飛淮南子曰薄於虞淵是謂黃昏杜牧之詩醉頭扶不起三文日還高

明日雨當止晨光在松枝清寒入花骨肅肅初自持
午景發濃艷一笑當及時依然暮還斂亦自惜幽姿

幽姿不可惜後日東風起酒醒何所見金粉抱青子
千花與百草共盡無妍鄙未忍汙泥沙牛酥煎落藥

洛陽貴尚錄孟蜀時兵部貳卿李昊每牡丹花開將數朶分遺親友以金鳳牋成
歌詩以致之又以興平酥同贈且云俟花謝卽以酥煎食之無棄穠花也其風流
貴重
如此

次韻樂著作送酒

少年多病怯杯觴老去方知此味長萬斛羈愁都似雪
一壺春酒若爲湯

庾信愁賦且將一寸心能容萬斛愁孔子家語人之
棄惡如湯之灌雪焉枚叔七發小飯大歡如湯沃雪

次韻樂著作天慶觀醮

濁世紛紛冒下臨夢尋飛步五雲深無因上到通明殿
只許微聞玉佩音

王欽若翊聖保德傳建隆初鳳翔鰲屋民張守真一日朝禮玉皇大殿觀其額曰
通明殿不曉其旨真君曰上帝在無上天爲諸天之尊常升金殿光明通徹無所

不照故爲
通明殿

王齊萬秀才寓居武昌縣劉郎洑正與伍洲相
對伍子胥奔吳所從渡江也

君家稻田冠西蜀擣玉揚珠三萬斛塞江流
梯起書樓碧瓦朱欄照山谷傾家取樂不論命
散盡黃金如轉燭惟餘舊書一百車方舟載入
荆江曲江上青山亦何有伍洲遙望劉郎藪
明朝寒食當過君請殺耕牛壓私酒與君飲
酒細論文酒酣訪古江之濱仲謀公瑾不須弔

一醉波神英烈君

公自注杭州伍子
胥廟封英烈王

晉王濬傳武帝謀伐吳濬造船於蜀木梯蔽江而下唐李璣傳聚書至萬卷時人
號李書樓杜子美詩碧瓦朱甍照城郭李太白詩天生我才必有用黃金散盡還

復來杜詩萬事如轉燭又三歲如轉燭曹子建樂府中廚辦豐膳烹羊宰肥牛李詩吳姬壓酒喚客嘗杜懷李白詩何時一樽酒重與細論文

杜沂游武昌以酴醾花菩薩泉見餉二首

移室作有東坡慣
法
楚手生恆仿作
法用筆重便豪

酴醾不爭春寂寞開最晚青蛟走玉骨羽蓋蒙珠幃不
粧艷已絕無風香自遠淒涼吳宮闕紅粉埋故苑至今
微月夜笙簫來翠巘餘妍入此花千載尚清婉怪君呼
不歸定爲花所挽昨宵雷雨惡花盡君應返

王注以武昌有孫權故宮故
特用吳宮嬪嬙之魂爲意耳

君言西山頂自古流白泉上爲千牛乳下有萬石鉛不
媿惠山味但無陸子賢願君揚其名庶託文字傳寒泉
比吉士清濁在其源不食我心惻於泉非所患嗟我本

昔以詩論見意前以
字傳而後

何有虛名空自纏不見子柳子餘愚汙谿山

牛乳用杜詩已見常州圖經惠山之側有錫山其山出錫古謠云有錫兵無錫寧
故縣名無錫陸文學傳云陸羽品第天下水味以惠山泉爲第二刻石雷山中故
名陸子泉有祠堂在焉周易卦井渫不食爲我心惻九五井冽寒泉食
象曰寒泉之食中正也柳子厚愚溪詩序山水之奇以余故咸以愚辱焉

陳季常自岐亭見訪郡中及舊州諸豪爭欲邀

致之戲作陳孟公詩一首

孟公好飲寧論斗醉後關門防客走不妨閑過左阿君
百謫終爲賢太守老居閭里自浮沈笑問伯松何苦心
忽然載酒從陋巷爲愛揚雄作酒箴長安富兒求一過
千金壽君君笑唾汝家安得客孟公從來只識陳驚坐

漢書游俠傳陳遵字孟公嘗過長安富人左氏飲食作樂司直陳崇劾奏遵乘藩
車過寡如左阿君置酒歌謳起舞跳梁頓仆坐上又初爲京兆吏日出醉歸曹事

數廢西曹以故事謫之曰陳卿今日以某事謫遵曰滿百乃相聞又與張竦伯松俱以列侯歸長安竦居貧無賓客時時好事者從之質疑問事而遵車騎滿門酒肉相屬先是揚雄作酒箴遵大喜之謂竦曰吾與爾猶是矣足下諷誦經書苦身自約而我放意自娛浮沈俗間官爵功名不減於子而差獨樂顧不優耶又遵所到衣冠懷之惟恐在後時刻侯有與遵同姓字者每至人門曰陳孟公坐中莫不震動既至而非因號其人曰陳驚坐

游武昌寒谿西山寺

連山蟠武昌翠木蔚樊口我來已百日欲濟空搔首坐者鷗鳥沒夢逐麝麝走今朝橫江來一葦寄衰朽高談反巨浪飛屨輕重阜去人曾幾何絕壁寒谿吼風泉兩部樂松竹三益友徐行欣有得芝朮在蓬萊西上九曲亭衆山皆培塿卻看江北路雲水渺何有離離見吳宮莽莽真楚藪空傳孫郎石無復陶公柳爾來風流人惟

官過一層作候係不
柏佛

有漫浪叟買田吾已決乳水况宜酒所須修竹林深處
安井曰相將踏勝絕更裹三日糗

楚辭招隱士白鹿麋麕兮或騰或倚揚雄反騷橫江湘以南淮兩部樂用孔珪兩
部鼓吹語已見元次山丐論古人鄉無君子則與雲山為友里無君子則與松竹
為友坐無君子則與琴酒為友論語益者三友左傳襄二十四年子太叔曰培養
無松柏注培養小阜也杜子美詩高山之外皆培養離騷九章滔滔孟夏兮草木
莽莽三國孫策傳袁術嘗嘆曰使術有子如孫郎死復何恨江表傳策雖有位號
士皆呼為孫郎晉陶侃鎮武昌謀諸營種柳唐元結傳家瀼濱乃自稱浪士及有
官人以為浪者亦漫為官乎呼為漫郎既客樊上少長相戲更曰聲叟又漫浪於
人間得非聲斷乎公漫久矣可以漫為叟元結集自釋云及家樊上漫遂顯焉注
云在武昌縣西五
里糗乾飯屑也

武昌銅劍歌 并引

供奉官鄭文嘗官於武昌江岸裂出古銅劍文得
之以遺余冶鑄精巧非鍛冶所成者

此与解道士石诗同
意皆讨巧有力一法
祇因淋瀝心外而致
不矣诗核者核省一
括耳

雨餘江清風卷沙雷公躡雲捕黃虵虵行空中如枉矢
電光煜煜燒虵尾或投以塊鏗有聲雷飛上天虵入水
水上青山如削鐵神物欲出山自裂細看兩脅生碧花
猶是西江老蛟血蘇子得之何所爲蒯緱彈鋏詠新詩
君不見凌烟功臣長九尺腰間玉具高挂頤

漢天文志枉矢狀類大流星虵行而蒼黑望如有毛日然廣異記開元時太原武
勝之嘗於靜江灘中見雷公踐雲逐虵靜江夫以石投之中虵鏗然有聲雷公飛
去乃得一銅劍有文云許旌陽斬蛟第二劍李賀長平箭頭歌淒淒古血生銅花
史記孟嘗君傳馮驩見孟嘗君置傳舍十日孟嘗君問傳舍長曰客何所爲答曰
馮先生甚貧獨有一劍耳又蒯緱每彈劍而歌注蒯如茅之類可爲繩緱謂把劍
之處漢匈奴傳單于朝天子於甘泉宮賜以玉具劍後漢馮異傳光武賜以乘輿
玉具劍戰國策大
冠若箕修劍挂頤

定惠院顓師爲茶竹下開甯軒

初白云一片心境

嘯鳩催天明喧喧相譏譙暗蛩泣夜永唧唧自相爭飲
風蟬至潔長吟不改調食土蚓無腸亦自終夕叫鳶貪
聲最鄙鵲喜意可料皆緣不平鳴慟哭等嬉笑阮生已
麤率孫子亦未妙道人開此軒清坐默自照衝風振河
海不能號無寂累盡吾何言風來竹自嘯

楚辭離騷恐鶉鳩之先鳴漢書譙讓注譙責也韓退之秋懷詩蟲弔寒夜永又吟
至相唧唧傳玄蟬賦美茲蟬之純潔兮稟陰陽之微靈吸濯露之朝零聆商風而
和鳴差羣吟以遞倡似簫管之餘音荀子蚓上食埃土下飲黃泉用心一也崔豹
古今注蚓曰歌女莊子秋水篇鵲得腐鼠鴛鴦過之仰而視之曰嚇西京雜記陸
賈曰蜘蛛集而百事喜乾鵲噪而行人至韓退之送孟東野序凡物不得其平則
鳴戰國策長歌之哀過於慟哭嬉笑之怒甚於裂眦孫登嘯詳見八卷惠山謁錢
道人詩註楚詞九歌
衝風起兮水橫波

石芝 并引

元豐三年五月十一日癸酉夜夢游何人家開堂
西門有小園古井井上皆蒼石石上生紫藤如龍
虵枝葉如赤箭主人言此石芝也余率爾折食一
枝衆皆驚笑其味如雞蘇而甘明日作此詩

空堂明月清且新幽人睡息來初勻了然非夢亦非覺
有人夜呼祁孔賓披衣相從到何許朱欄碧井開瓊戶
忽驚石上堆龍虵玉芝紫筍生無數鏘然敲折青珊瑚
味如蜜藕和雞蘇主人相顧一撫掌滿堂坐客皆盧胡
亦知洞府嘲輕脫終勝嵇康羨王烈神山一合五百年
風吹石髓堅如鐵

三利嘉復字孔賓少清貧好學年二十餘夜忽牕中有聲呼曰而孔賓隱去來修
飭人間甚苦不可諧所得未毛銖所喪如山崖旦而逃去晉石崇傳武帝賜王愷
珊瑚樹愷以示崇崇便以鐵如意擊之應手而碎杜子美詩腰下寶玦青珊瑚
退之詩大華山頭玉井蓮開花十丈藕如船冷比雪霜甘比蜜一片入口沈痾
本草水蘇一名雞蘇孔叢子盧胡而笑闕子宋之惠人得燕石藏之以爲大寶周
客見之掩口盧胡而笑續神仙傳許碁遊盧口閒嘗醉吟曰閨苑花前是醉鄉滔
翻王母九霞觴羣仙拍手嫌輕脫謫向人間作酒狂滔似冉反王烈石髓詳
五卷至秀州詩注按仙經神山五百年一開石髓出得而服之壽與天齊

今年正月十四日與子由別於陳州五月子由
復至齊安以詩迎之

驚塵急雪滿貂裘淚灑東風別宛丘又向邯鄲枕中見
卻來雲夢澤南州睽離動作三年計牽挽當爲十日畱
早晚青山映黃髮相看萬事一時休

異聞集開元中道人呂翁常往來邯鄲有書生姓盧與翁同止逆旅主人方蒸黃
梁其待其熟盧生不覺長嘆翁問之具言生世困厄翁開囊中枕以授盧曰枕此

當如願生倪首但記身入枕中遂至其家未幾登高第歷臺閣出入將相五十年
忽欠伸而寤黃梁猶未熟也謝曰先生以室吾欲耳自此不復求仕矣漢陸賈傳
約過女極飲十日而更柳子厚別劉夢得
詩耦耕若便還身世黃髮相看萬事休

遷居臨臯亭

我生天地間一蟻寄大磨區區欲右行不掬風輪左雖
云走仁義未免違一作遲寒餓劍米有危炊鉞璫無穩坐豈
無佳山水借眼風雨過歸田不待老勇決凡幾個幸茲
廢棄餘疲馬解鞍馱全家占江驛絕境天為破饑貧相
乘除未見可弔賀澹然無憂樂苦語不成些蘇介切

抱朴子天圓如張蓋地方如棋局天旁轉如磨推而左行日月右行隨天左轉譬
之蟻行磨石之上磨左旋而蟻右去磨疾而蟻遲故不得不隨磨而左迴焉晉天
文志亦云楞嚴經覺明空昧相待成搖故有風輪執持世界晉顧愷之傳桓玄與
愷之同在殷仲堪坐共作危語玄曰矛頭淅米劍頭炊晉杜錫傳屢諫愷懷太子

任清其至

太子患之置針著錫常所坐檀中刺之流血張平子有歸田賦左傳昭八年史趙曰可弔也而又賀之史記張儀傳羣臣皆賀子獨弔何也此說文語詞也宋玉哀屈原作招魂楚些沈存中云今夢峽湖湘及南北江獠人凡禁咒句尾皆稱些乃楚人舊俗西域咒語末皆云娑婆訶亦三合而爲些也

曉至巴口迎子由

去年御史府舉動觸四壁幽幽百尺井仰天無一席隔
牆聞歌呼自恨計之失畱詩不忍寫苦淚漬紙筆餘生
復何幸樂事有今日江流鏡面淨煙雨輕羃羃孤舟如
鳬鷺點破千頃碧聞君在磁湖欲見隔咫尺朝來好風
色旗尾西北擲行當中流見笑眼清光溢此邦疑可老
修竹帶泉石欲買柯氏林茲謀待君必

漢王莽傳定安公第置門衛使者監領敕阿乳母不得與語常在四壁中韓退之
詩隔牆聞謹呼眾口極鵲鴈按先生有獄中寄子由詩見四十卷中杜子美復愁

詩阜尾掣旗竿劉禹錫
詩旗尾飄揚勢漸高

與子由同游寒谿西山

詩國健

用年每透過一層
為泥著

散人出入無町畦朝游湖北暮淮西高安酒官雖未上
兩腳垂欲穿塵泥與君聚散若雲雨共惜此日相提攜
千搖萬兀到樊口一箭放溜先鳧鷖層層草木暗西嶺
瀏瀏霜雪鳴寒谿空山古寺亦何有歸路萬頃青玻瓈
我今漂泊等鴻鴈江南江北無常栖幅巾不擬過城市
欲踏徑路開新蹊公自注路有直入卻憂別後不忍到見子
行迹空餘悽吾儕流落豈天意自坐迂闊非人擠行逢
山水輒羞歎此去未免勤鹽齏何當一遇李八百公自注

宅在
筠州相哀白髮分刀圭

唐陸龜蒙號江湖散人莊子人間世而幾死之散人又惡知散木又彼且爲無町畦亦與之爲無町畦寒谿西山在鄂州武昌縣屬湖北黃州屬淮西圖經筠州高安郡潁濱遺老傳子瞻以詩得罪朝廷輟從坐謫監筠州鹽酒稅神仙傳李八百蜀人也莫知其名歷世見之時人計其年八百歲因以號之或隱山林或出市廛相傳能拄拐日八百里陳搏傳有一人青巾短褐叩陳希夷門未報條去追之見老人衣鹿皮曰此神仙李八百也動則八百里本草凡散藥有云刀圭者十分方寸七之一堆如梧桐子大也韓退之寄周隨州詩金丹別後知傳得乞取刀圭扶病身

次韻答子由

平生弱羽寄衝風此去歸飛識所從好語似珠穿一二
妄心如膜退重重山僧有味寧知子瀧吏無言只笑儂
尚有讀書清淨業未容春睡敵千鍾

杜牧之登第後過隣居老僧詩山僧尚未知名姓始羨空門氣味長韓退之瀧吏詩瀧吏垂手笑官何問之愚儂幸無負犯何由到而知華嚴經即利益諸衆生

而為自行

清淨業

和何長官六言

作邑君真伯厚去官我豈曼容一廛願託仁政六字難

賡變風

後漢朱震字伯厚詳十七卷林子中以詩寄文注漢兩龔傳邴曼容養志自修為官不冝過六百石輒自免去

五噫已出東洛三復願比南容學道未逢潘盜

公自注南海謂狂為

盜潘近世得道者也草書猶似楊風

後漢梁鴻傳過京師作五噫之歌已見王注元祐中廣南儂智高反至梧州有潘盜者棄妻子服儒衣常持一大簪行坐獨語南越謂愚盜儂賊聞其異召而問之曰吾形貌如何盜曰汝一賊也他無所類賊怒害之法書莊楊凝式善行草書時人以楊風呼之再見

石渠何須反顧水驛幸足相容長江大欲見底探戈八

月涼風

三輔舊事石渠閣在未央大殿北以藏祕書漢劉向傳講論五經於石渠楚辭離騷忽反顧以游目兮將往觀乎四荒王注探文字是官物官錢有此名此亦戲言之矣

清風初號地籟明月自寫天容貧家何以娛客但知抹

月批風

韓退之詩天容與水色此處皆綠淨禪定有薄批明月細抹清風之語

青山自是絕色無人誰與爲容說向市朝公子何殊馬

耳東風

李太白詩世人聞此皆掉頭有如東風射馬耳

觀張師正所蓄辰砂

將軍結髮戰蠻溪篋有殊珍勝象犀漫說玉牀收一作分箭

作
意
境
南
杯
不
喧
也
怒
不

俗人得去之早自是
洞久辟所語二有五一
概語此種生也

鑛何曾金鼎識刀圭近聞猛士收丹穴欲助君王鑄裹
蹠多少空巖人不見自隨初日吐虹蜺

圖經辰州出丹砂其苗乃白石耳土人謂之砂牀箭鏃連牀者色若鐵而瑩澈漢
貨殖傳寡婦清其先得丹穴擅其利數世武帝紀大始二年詔更黃金為麟趾褒
蹠史記封禪書少君言上曰祀竈則致物致物而丹沙可化為黃金沙同砂大洞
鍊真寶經上品光明沙者受太陽洞通澄明正真之精氣降結紅光耀如日色

五禽言

并引

梅聖俞嘗作四禽言余謫黃州寓居定惠院遶舍
皆茂林修竹荒池蒲葦春夏之交鳴鳥百族土人
多以其聲之似者名之遂用聖俞體作五禽言

按梅聖俞詩集四禽言則竹雞婆餅焦提胡蘆杜鵑也一日泥滑滑苦竹

岡雨蕭蕭馬上郎馬蹠凌兢雨又急此鳥為君應斷腸二曰婆餅焦兒不

食爾父向何之爾母山頭化為石山頭化石可奈何遂作微禽蹠不息三
曰提胡蘆沽美酒風為賓樹為友山花撩亂目前開勸爾今朝千萬壽四

曰不如歸去春山雲暮萬木分參天蜀天兮
何處人言有翼可歸飛安用悲號向高樹

使君向蘄州更唱蘄州鬼我不識使君寧知使君死人

生作鬼會不免使君已老知何晚

公自注王元之自黃移蘄州聞
嘯鳥問其名或對曰此名蘄州

鬼元之惡之
果卒於蘄

南山昨夜雨西谿不可渡谿邊布穀兒勸我脫破袴不

辭脫袴谿水寒水中照見催租瘢

公自注土人謂布
谷爲脫卻破袴

去年麥不熟挾彈規我肉今年麥上場處處有殘粟豐

年無象何處尋聽取林閒快活吟

公自注此鳥聲云
麥飯熟即快活

力作力作蠶絲一百箔蠟上麥頭昂林閒桑子落願儂

一箔千兩絲繅絲得蛹飼爾雛

公自注此鳥聲
云蠶絲一百箔

王元景談數元景嘗大醉楊遵彥謂之曰何大低昂
元景曰黍熟頭低麥熟頭昂黍麥俱有所以低昂

姑惡姑惡姑不惡妾命薄君不見東海孝婦死作三年

乾不如廣漢龐姑去卻還

公自注姑惡水鳥也俗云婦以姑虐死故其聲云

漢于定國傳東海有孝婦其姑自經死姑女告吏婦殺我母具獄上府下公以爲此婦養姑以孝聞必不殺也太守不聽竟論殺孝婦郡中枯旱三年後漢列女傳廣漢姜詩妻同郡龐盛之女詩母愛飲江水妻汲不時至母渴詩責而遣之妻乃寄止隣舍晝夜紡績市珍羞使鄰母以意自遺其姑久之姑怪問隣母感慚呼還

次韻子由病酒肺疾發

憶子少年時肺病疲坐臥喊呀或終日勢若風雨過虛
陽作浮漲客冷仍下墮妻孥恐悵望膾炙不登坐終年
禁晚食半夜發清餓胃強隔苦滿肺斂腹輒破三彭恣
啖嚙二豎冒通播寸田可治生誰勸耕黃稌

公自注新法方田謂黃稌爲上

探懷得真藥不待君臣佐初如雪花積漸作櫻桃珠

大隔牆聞三嚙隱隱如轉磨自茲失故疾陽唱陰輒和
神仙多歷試中路或坎坷平生不盡器痛飲知無奈舊
人眼看盡老伴餘幾個殘年一斗粟待子同春簸云何
不自珍醉病又一挫真源結梨棗世味等糠莖耕耘當
待獲願子勤自課相將賦遠游仙語不用些

三彭注見本卷左傳成十年晉景公求醫於秦秦桓公使醫緩爲之未至公夢疾爲二豎子曰彼良醫也懼傷我焉逃之其一曰居於育之上膏之下若我何黃庭經寸田尺宅可治生寸田謂三丹田注見本卷本草養命之藥則多君養性之藥則多臣療病之藥則多佐漢淮南厲王傳廢處蜀嚴道叩郵不食而死民歌之曰一尺布尚可縫一斗粟尚可舂兄弟二人不相容真誥紫微王夫人授許長史曰火棗交梨之樹已生君心中猶令有荆棘相雜可剪荆棘出此樹單生糠莖漢陳平傳亦食糠覈耳史記范雎傳置莖豆其前令兩黥徒夾而馬食之楚辭遠游悲時俗之迫阨今願輕舉以遠游

正月廿日往岐亭郡人潘古郭三人送余於女

王城東禪莊院

志林黃州東十五里有永安城俗謂之女王城

十日春寒不出門不知江柳已搖村
稍聞泱泱流水谷盡放青青沒燒痕
數畝荒園畱我住半瓶濁酒待君溫
去年今日關山路細雨梅花正斷魂

唐詩岡分河勢斷春入燒痕深

鐵拄杖

并引

柳真齡字安期閩人也家寶一鐵拄杖如櫛栗木
牙節宛轉天成中空有簧行輒微響柳云得之浙
中相傳王審知以遺錢鏐鏐以賜一僧柳偶得之

以遺余作此詩謝之

柳公手中黑蛇滑千年老根生乳節忽聞鏗然爪甲聲
四坐驚顧知是鐵含簧腹中細泉語迸火石上飛星裂
公言此物老有神自昔閼王餉吳越不知流落幾人手
坐看變滅如春雪忽然贈我意安在兩腳未許甘衰歇
便尋轍迹訪崆峒徑渡洞庭探禹穴披榛覓藥採芝菌
刺虎鏐蛟擣蛇蝎會教化作兩錢錐歸來見公未華髮
問我鐵君無恙否取出摩挲向公說

杜子美桃竹杖引出入爪甲鏗有聲莊子在宥黃帝立爲天子十九年令行天下
聞廣成子在於空同之上故往見之韻語陽秋崆峒山汝州岷俱有之杜詩云崆
峒小麥熟則岷州之崆峒也黃帝往空同乃汝州之空同也漢司馬遷傳南游江
淮上會稽探禹穴漢書鏐殺吳王周禮以時擣魚鼈龜蜃說苑子將莫邪斬羽截

鐵拂鐘不鐸此至利也使之補履曾不如兩錢之錐東方朔別傳亦云桂花叢談
李德裕贈僧方竹杖及再見問杖無恙否曰已規而漆之矣公嗟惋久之風俗通
恙毒蟲也喜傷人古人草居
露宿故相勞問必曰無恙

與潘三失解後飲酒

千金弊帚人誰買半額蛾眉世所妍顧我自爲都眊眊
憐君欲鬪小嬋娟青雲豈易量他日黃菊猶應似去年
醉裏未知誰得喪滿江風月不論錢

後漢馬廖傳城中好廣眉四方且半額國史補進士不捷而飲謂之打眊眊孟
東野嬋娟篇花嬋娟泛春泉妓嬋娟不長妍李太白詩清風明月不用一錢買

施註蘇詩卷之十八

施註蘇詩卷之十九

漫堂先生宋 肇

樸園先生張榕端

長洲顧嗣立

閱定 毗陵邵長蘅 刪補

商丘宋 至

詩七十三首

時在黃州作

東坡八首

并引按東坡在黃岡山下州治東百餘步先生儋耳手澤云杞人馬正卿作太學生清苦有氣節學者既不喜

博士亦忌之余少時偶至其齋中書社子美秋雨歎壁上初無意也而正卿即日辭歸不復出至今白首窮餓守節如故詩中馬生

即其人也

余至黃州二年日以困匱故人馬正卿哀予乏食

為於郡中請故營地數十畝使得躬耕其中地既

八年皆主不陶杜之同
亦必以本邑不第在
亦必以本邑不第在

久荒爲茨棘瓦礫之場而歲又大旱墾闢之勞筋力殆盡釋耒而歎乃作是詩自愍其勤庶幾來歲之入以忘其勞焉

初白之沈隱居
四句通耳可陵

廢壘無人顧頽垣滿蓬蒿誰能捐筋力歲晚不償勞獨有孤旅人天窮無所逃端來拾瓦礫歲旱土不膏崎嶇草棘中欲刮一寸毛喟然釋耒嘆我廩何時高

詩周頌亦有高廩萬億及秭

荒田雖浪莽高庠各有適下隰種秔稌東原蒔棗栗江南有蜀士桑果已許乞好竹不難栽但恐鞭橫逸仍須卜佳處規以安我室家童燒枯草走報暗井出一飽未

敢期瓢飲已可必

晉陶潛傳公田五十頃種秫詩周頌豐年多黍多稌鄭氏云稌稻也蜀士謂王文甫也文甫嘉州犍為縣人居於武昌先生與秦太虛書云所居對岸武昌山水絕佳有蜀人王生在邑中往往為風濤所隔不能歸則王生能為殺雞炊黍至數日不厭東方朔傳規以為苑

自昔有微泉來從遠嶺背穿城過聚落流惡壯蓬艾去

為柯氏陂十畝魚蝦會歲旱泉亦竭枯萍粘破塊昨夜

南山雲雨到一犁外泣然尋故瀆知我理荒薈泥芹有

宿根一寸嗟獨在雪芽何時動春鳩行可膾公自注蜀人貴芹芽膾雞鵝肉

為之

後漢劉平傳王扶少修節行聚落化其德注云小於鄉曰聚廣雅云落居也左傳有汾澮以流其惡杜子美大雨詩流惡邑里清陶淵明詩晨侵理荒穢

種稻清明前樂事我能數毛空暗春澤鍼水聞好語自公

此詩有情深浪此謂詩有別趣多指此種惟標為定分別隱矣

初言云王儲田家極
生時農夫相語稻鉞出矣

急作詩云
忽作詩云
忽作詩云

此亦富貴國士
既下用若天子可見

注蜀人以細雨為雨毛稻初生時農夫相語稻鉞出矣

分秧及初夏漸喜風葉舉月明看

露上一珠垂縷秋來霜穗重顛倒相撐拄但聞畦隴

間蚱蜢如風雨

公自注蜀中稻熟時蚱蜢羣飛田間如小蝗狀而不害稻

新春便入甌玉粒

照筐筥我久食官倉紅腐等泥土行當知此珠口腹吾

已許

江文通別賦秋露如珠秋月如珪漢賈捐之傳太倉之粟紅腐而不可食

良農惜地力幸此十年荒桑柘未及成一麥庶可望投

種未逾月覆塊已蒼蒼農父告我言勿使苗葉昌君欲

富餅餌要須縱牛羊再拜謝苦言得飽不敢忘

史記商君傳苦言

藥也甘言疾也

種棗期可剝種松期可斲事在十年外吾計亦已慙十
年何足道千載如風電舊聞李衡奴此策疑可學我有
同舍郎官居在潯岳公自注李公擇也遺我三寸甘照坐光卓犖
百栽儻可致當及春冰渥想見竹籬間青黃垂屋角

襄陽耆舊傳李衡作宅於武陵龍陽汎洲上種橘千株臨終敕其子曰吾有千頭木奴不責汝衣食歲上一匹絹可以不貧矣南史彭城王義康傳上嘗冬月噉甘歎其形味竝劣義康在坐曰今年甘殊有佳者遣還東府取甘大供御者三寸杜子美卽事詩雙白魚不受釣三寸黃甘猶自青楚辭橘領青黃雜糅文章爛兮杜子美詩紅

桐屋角花

潘子久不調沽酒江南村郭生本將種賣藥西市垣古
生亦好事恐是押牙孫家有十畝竹無時容叩門我窮
交舊絕三子獨見存從我於東坡勞餉同一餐可憐杜

拾遺事與朱阮論吾師卜子夏四海皆第昆

潘名大臨字邠老榮陽人郭生

名邁汾陽人古生

名耕道新平人

漢張釋之傳十年不得調漢齊悼惠王傳朱虛侯章曰臣將種也薛調無雙傳劉

振女曰無雙許以妻王仙客未果而振授朱泚偽官無雙籍入掖庭仙客怨慕不

已聞富平古押牙人閒有心人以情告之古生作奇法取之使復

為夫婦二十年杜子美絕句梅熟許同朱老喫松高擬對阮生論

馬生本窮士從我二十一年日夜望我貴求分買山錢我

今反累生借耕輟茲田毛龜背上何時得成瓊可憐

馬生癡至今夸我賢眾笑終不悔施一當獲千

傳大士金剛經頌如龜

毛不實似兔角無形

題織錦圖上回文三首

春晚落花餘碧草夜涼低月半枯桐人隨遠鴈邊城暮

佐用陶公真板相欺
良初白謂云失休
上之

雨暎疎簾繡閣空

紅手素絲千字錦故人新曲九回腸
風吹絮雪愁縈骨淚灑縑書恨見郎

晉列女傳寶滔妻蘇惠織錦爲回文旋圖詩以贈滔凡八百四十字再見司馬遷報任安書腸一日而九回後漢蔡倫傳自古書契多編以竹簡其用縑白者謂之爲紙

羞看一首回文錦錦似文君別恨深
頭白自吟悲賦客斷腸愁是斷絃琴

西京雜記相如晚居茂陵將聘妾文君作白頭吟自絕相如乃止後漢列女蔡琰傳注邕故斷琴一絃問之琰曰第四絃

姪安節遠來夜坐三首

南來不覺歲崢嶸坐撥寒灰聽雨聲
遮眼文書元不讀伴人燈火亦多情
嗟予潦倒無歸日今汝蹉跎已半生

免使韓公悲世事白頭還對短燈檠

鮑明遠舞鶴賦歲嶢嶢而催莫杜子美詩旅食歲嶢嶢白樂天詩對雪晝寒灰傳燈錄有僧問藥山惟儼禪師和尚不許人看經因何卻自看師曰我只圖遮眼積劫夜絕交書足下舊知吾潦倒麤疎不切事情韓退之短燈檠歌一朝富貴還自恣長檠高張照朱翠吁嗟世事無不然牆角君看短檠棗

心衰面改瘦嶢嶢相見惟應識舊聲永夜思家在何處
殘年知汝遠來情畏人默坐成癡鈍問舊驚呼半死生
夢斷酒醒山雨絕笑看饑鼠上燈檠

識舊聲暗使後漢夏馥事詳十二卷子由將赴南都詩註韓退之示姪孫湘詩知汝遠來應有意杜子美詩問舊半爲鬼驚呼熱中腸

落第汝爲中酒味吟詩我作忍饑聲便思絕粒真無策
苦說歸田似不情腰下牛閑方解佩洲中奴長足爲生
大弔一施何緣穀已覺翻翻不受檠

其子詩朴而不修

笑於作笑

唐李邕落第詩氣味如中酒情懷似別人墜龜蒙杞菊賦序忍飢誦經豈不知屠沽兒有酒食取木奴用李衡洲上種橘事注見本卷韓退之詩大指挂壁無由擊漢蘇武傳能網紡繳繫弓弩顏師古曰繫謂輔正弓弩也

冬至日贈安節

我生幾冬至少小如昨日當時事父兄上壽拜脫膝十年閱凋謝白髮催衰疾瞻前惟兄三顧後子由一近者隔濤江遠者天一壁今朝復何幸見此萬里姪憶汝總角時啼笑爲梨栗今來能慷慨志氣堅鐵石諸孫行復爾世事何時畢詩成卻超然老淚不成滴

楚辭離騷瞻前而顧後兮相觀人之計極陶淵明責子詩通子垂九齡但覓梨與栗

岐亭道上見梅花戲贈季常

蕙死蘭枯菊亦摧返魂香入嶺頭梅數枝殘綠風吹盡
一點芳心雀啁開野店初嘗竹葉酒江雲欲落豆稽灰
行當更向釵頭見病起烏雲正作堆

東方朔十洲記聚窟洲有返魂香死屍於地聞之即活杜子美詩啁雀爭枝墜又
詩雀啄江頭楊柳花張協七命豫北竹葉注云竹葉清宜城九醞酒也文酒清話
王勉秀才上吉水縣大夫雪詩上
天燒下豆稽灰烏李須教做白梅

樂全先生生日以鐵拄杖爲壽二首

先生真是地行仙住世因循五百年每向銅人話疇昔
故教鐵杖鬪清堅入懷冰雪生秋思倚壁蛟龍護晝眠
遙想人天會方丈衆中驚倒野狐禪

楞嚴經有十種仙堅固服餌而不化食道圓成名地行仙法華經正法住世二
十小劫像法亦住二十小劫銅人用銅子訓摩掌銅人事注再見韓退之赤藤杖

歌空堂晝眼倚戶慵飛電若有壁搜蛟螭傳燈錄佛爲人天師又百丈山大智禪師
每日上堂有一老人踰衆聽法一日衆散老人不去師問之老人曰我非人也過
去生中曾住此山有學人問大修行人還落因果也無對曰不落因果遂墮在
野狐身今請和尚代一轉語師曰汝但問老人便利師曰不昧因果老人言下大
悟告辭曰今已免野狐身

二年相伴影隨身踏遍江湖草木春
擿石舊痕猶作眼閉門高節欲生鱗
畏塗自衛真無敵捷徑爭先卻累人
遠寄知公不嫌重筆端猶自幹千鈞

莊子達生篇夫畏塗者十殺一人則父子兄弟相戒也必盛卒徒而後敢出焉楚
辭離騷何桀紂之昌披兮夫惟捷徑以窘步鮑明遠城東橋詩爭先萬里途各事
百年身

杭州故人信至齊安

昨夜風月清夢到西湖上朝來聞好語扣戶得吳餉輕

圓白曬荔脆釀紅螺醬更將西菴茶勸我洗江瘴故人

情義重說我必西向一年兩僕夫千里問無恙相期結

書社

公自注故人相約釀錢顧僕夫一歲再至黃

未怕供詩帳

公自注僕頃以詩得罪有司移杭取境內所賣詩杭

州供數百首謂之詩帳

還將夢魂去一夜到江漲

公自注江漲杭州橋名

茶君謨荔枝譜福州舊貢紅鹽密煎二種慶曆初知州沈邈以道遠不可致減紅鹽之數而增白曬者

送牛尾狸與徐使君

公自注時大雪中

風卷飛花自入帷一樽遙想破愁眉泥深厭聽雞頭鶻

公自注蜀人謂泥滑滑為雞頭鶻

酒淺欣嘗牛尾狸通印子魚猶帶骨披綿

黃雀漫多脂殷勤送去煩纖手為我磨刀削玉肌

後漢梁冀傳妻孫壽作愁眉啼粧王粲七命盧史閨中鮮食最珍者子魚也割之則子滿腹葉田仙鎮乃其出處予按部江之驛左有一同謂之通應謂下有水曰

通應子受潮汝訪諸士人爲鹹淡水不相入處此魚最良故謂之通應子魚比
見士大夫賦詩多曰通印以目其魚之大小如王荆公送元厚之知福唐詩云長
魚俎上通三印荆公博學多聞豈自有所稽
耶黃雀出江西臨江軍土人謂脂厚爲披綿

四時詞

春雲陰陰雪欲落東風和冷驚簾幙漸看遠水綠生漪
未放小桃紅入萼佳人瘦盡雪膚肌眉斂春愁知爲誰
深院無人剪刀響應將白紵作春衣

謝靈運詩山桃發紅萼杜子美蚤春詩紅入桃花嫩青歸柳葉新張籍白紵
歌皎皎白紵白且鮮將作春衣稱少年裁縫長短不能定自持刀尺向姑前

垂柳陰陰日初永蔗漿酪粉金盤冷簾額低垂紫燕忙
蜜脾已滿黃蜂靜高樓睡起翠眉嚬枕破斜紅未肯勻
玉腕半揎雲碧袖樓前知有斷腸人

宋王拾魂濡鬢炮羔有柘漿此注柘諸蔗也取諸蔗之汁以爲漿飲也杜
子美入奏行麗纒歸厨金盤凍孟郊莎柵聯句此處不斷腸定知無斷處

新愁舊恨眉生綠粉汗餘香在蘄竹象牀素手熨寒衣
爍爍風燈動華屋夜香燒罷掩重局香霧空濛月滿庭
抱琴轉軸無人見門外空聞裂帛聲

杜子美白絲行象牀玉手亂殷紅萬草千花動凝碧美人細意熨帖平裁縫滅盡
針線跡戰國策孟嘗君至楚楚獻象牀白樂天琵琶行轉軸撥絃三兩聲又四絃
一聲如裂帛

霜葉蕭蕭鳴屋角黃昏陡一作斗覺羅衾一作衣薄夜風搖動鎮
帷犀酒醒夢回聞雪落起來呵手畫雙雅醉臉輕勻襯
眼霞真態生香誰畫得玉奴纖手嗅梅花

杜牧之秋娘詩虎睛珠絳金盤犀鎮帷南部煙花記虞世基朝司花女哀實兒
詩學畫鴉兒生未成杜牧之閨情詩眉娟即月眉新聲學鴉飛去留啼司春丁巳

稱爲五叔

太守徐君猷通守孟亨之皆不飲酒以詩戲之

徐君猷名大受東海人孟亨之名震東平人舉進士東坡來黃州
二君爲守倅厚禮之無選譎意君猷秀惠列屋杯錫流行多爲賦
詞滿去而祖坡有祭文挽詞意甚懷惻亨之寓
毗陵坡自黃過常有同游僧舍詩載二十二卷

孟嘉嗜酒桓溫笑徐邈狂言孟德疑公獨未知其趣爾

臣今時復一中之風流自有高人識通介寧隨薄俗移

二子有靈應撫掌吾孫還有獨醒時

晉孟嘉傳未得酒中趣注已見又庾亮正旦大會州府人士褚裒問亮聞江州有
孟嘉其人何在亮曰在坐卿自覓裒歷觀指嘉曰此君小異將無是乎亮欣然喜
哀得嘉而奇嘉初畏所得陶淵明孟嘉傳高陽許論嘗乘船近行適逢嘉過嘆曰
都邑美士五盡識之獨不識此人雅謂中州有孟嘉者將非是乎中聖人徐邈語
再見三國徐邈傳盧欽著書解邈口或問欽徐公當武帝時人以爲通自在涼州
及還京師人以爲介何也欽曰往毛孝先崔季珪用事貴清素之士于時皆變易

小品自注此種民性
志弱性有孟德二個
本佐人又不可以性
二

車服以求名高而徐公不改其常故人以為通比來天下奢靡轉相倣效而徐雅尚自若不與俗同故前日之通乃今日之介也是世人之無常而徐公之有常也史記屈原傳舉世混濁而我獨清衆人皆醉而我獨醒

雪後到乾明寺遂宿

門外山光馬亦驚
堦前屐齒我先行
風花誤入長春苑
雲月長臨不夜城
未許牛羊傷至潔
且看鴉鵲弄新晴
更須攜被畱僧榻
待聽摧簷瀉竹聲

太平寰宇記長春宮在同州朝邑縣強梁原上周武帝保定五年宇文護所築尉遲偃中朝故事長春宮園林繁茂花木無所不有芳菲長如三春節漢地理志齊地記云古有日夜出見於東萊故萊子立此城以不夜為名寰宇記不夜城在登州文登縣春秋時萊子所置邑以日出乎東故以不夜為名

伯父送先人下第歸蜀詩云人稀野店休安枕

路入靈關穩跨驢安節將去為誦此句因以為

韻作小詩十四首送之

物不作法化語

索漠齊安郡從來著放臣如何風雪裏更送獨歸人
瘦骨寒將斷衰髯摘更稀未甘爲死別猶恐得生歸

杜子美簡諸子詩長安苦寒誰獨悲杜陵野老骨欲折又垂老別孰知是死別

日上氣瞰江雪晴光眩野記取到家時鋤耰吾正把
月明穿破裘霜氣澀孤劍歸來閉戶坐默數來時店

韓退之喜侯喜至詩依依夢歸路歷歷想行店崔豹古今注肆所以陳貨鬻之物店所以置貨鬻之物

諸兄無可寄一語會須酬晚歲俱黃髮相看萬事休
故人如念我爲說瘦癯癯尚有身爲患已無心可安

詩國風棘人樂樂老子吾所以有大患者爲吾有身

吾兄喜酒人今汝亦能飲一杯歸誦此萬事邯鄲枕

東阡在何許寒食江頭路哀哉魏城君宿草荒新墓

杜子美詩寒食江頭路風花高下飛魏城君公之配王氏也

臨分亦泣然不爲窮途泣東阡時一到莫遣牛羊入

晉阮籍傳率意獨駕車迹所窮輒慟哭而返

我夢隨汝去東阡松柏青卻入西州門永愧北山靈

乞墦何足羨負米可忘艱莫爲無車馬含羞入劍關

家語子路曰昔者由也事二親之時常食藜藿之實爲親負米百里之外今列鼎而食願食藜藿爲親負米不可復得也華陽國志漢司馬相如成都人蜀有升僊橋相如出關題其柱云大丈夫不乘駟馬車不復過此橋後漢郭丹傳買符入函谷關慨然歎曰丹不乘使者車終不出關去家二十年果乘高車出關

我坐名過實謹謹自招損汝幸無人知莫厭家山穩

越絕書名過實者減
故聖人不使名過實

竹筥與練裙隨時畢婚嫁無事苦相忌
征鞍還一跨

後漢戴良傳五女出嫁練
裳布被竹筥木屐以遺之

萬里卻來日一菴仍獨居應笑謀生拙團團如磨驢

次韻和王鞏六首

君談陽朔山不作一錢直巖藏兩頭虺瘴落千仞翼雅
宜驪兜放頗訝虞舜陟暫來已可畏覽鏡憂面黑況子
三年囚苦霧變飲食吉人終不死仰荷天地德我來黃
岡下欹枕江流碧江南武昌山向我如咫尺春蔬黃土
軟凍筍蒼崖坼此行我累君乃反得安宅遙知丹穴近

爲斷句漏石他年分刀圭名字挂仙籍

公自注肇許
惠桂州丹砂

陽朔屬桂州北夢瑣言楊遵曾至嶺外見陽朔荔浦山水愛之談不容口嘗謂王
讚曰侍郎曾見陽朔山水乎讚笑曰某未嘗打人唇綻齒折那得見之蓋非貶不
去也漢灌夫傳平生毀程不直一錢韓退之永貞行江氣嶺稜昏若凝一蟻
兩頭見未曾瘴落千仞巖本意用馬援飛鳶站站事注已見尚書錄陟方乃死注
云升道南巡守死於蒼梧之野白樂天惻惻吟
炎瘴靈均面黧黑句漏漢縣屬交趾出丹砂

少年帶刀劍但識從軍樂老大服犂鋤解佩付鎔鑠雖
無獻捷功會賜力田爵敲冰春搗紙刈葦秋織箔櫟林
斬冬炭竹塢收夏籜四時俯有取一飽天所酢君生純
綺間欲學非其腳左右玉纖纖束薪誰爲縛勿令聞此
語翠黛頰將惡笑我一間茅婦姑紛六鑿

韓退之會李正封聯句從軍古云樂談笑清油幕漢文帝紀遣使勞賜孝弟力田
置三老孝弟力田當負周禮仲冬斬陰木仲夏斬陽木漢貨殖傳願南捨仰有取

已見國飛燕外傳爲薄眉號山黛宋玉神女賦頽薄怒
以自持兮曾不可乎犯干六鑿出莊子外物篇注已見

欲結千年實先摧二月花故教窮到骨要使壽無涯久

已逃天網何須服日華賓州在何處爲子上栖霞

內景經吞日月華法呪曰日魂云云十六字自有五色流霞入
口中許端夫齊安拾遺云栖霞樓在郡城最高處江淮絕境也

鄰里有異趣何妨傾蓋新殊方君莫厭數面自成親默
坐無餘事回光照此身他年赤墀下玉立看垂紳

陶淵明答龐參軍詩引俗諺云數面成親舊況其情過此者乎廣
燈錄古德云若能回光反照漢梅福傳登文石之陛涉赤墀之塗

平生我亦輕餘子晚歲人誰念此翁巧語屢曾遭惹故
庾詞聊復託芻蕘子還可責同元亮妻卻差賢勝敬通
若問我貧天所賦不因遷謫始囊空

杜子美題鄭十八著作詩可念此翁懷直道也需新國用輕刑先生詩話云昔吾
爲鳳翔幕過長安見劉原父畱吾劇飲數日酒酣謂吾曰昔陳季弼告陳元龍曰
聞遠近之論謂明府驕而矜元龍曰夫閨門雍穆有德有行吾敬陳元方兄弟淵
清玉潔有禮有法吾敬華子魚清修疾惡有識有義吾敬趙元達博聞強記奇逸
卓犖吾敬孔文舉雄姿傑出有王霸之畧吾敬劉元德所敬如此何驕之有餘子
瑣瑣安足錄哉因仰天太息此亦原父之雅趣也吾後在黃州作詩云平生我亦
輕餘子晚歲人誰念此翁蓋記原父語也後漢馬援傳存交趾常飢意艾軍還載
之一車及卒後有人上書譜之以爲前所載還皆明珠文犀國語晉范文子曰有
秦客廋詞於朝注瘦者隱也左傳宣十二年楚伐蕭還無社號申叔展叔展曰有
麥麴乎曰無有山鞠窮乎曰無河魚腹疾奈何杜預注麥麴鞠窮所以禦濕欲使
無社逃泥水中軍中不敢正言故謬語鞠窮卽芎藭音起弓切晉陶潛有責子詩
後漢馮衍傳娶北地任氏女悍忌不得畜媵妾衍字敬通

君家玉臂貫銅青下客何時見目成勤把鉛黃記宮樣

莫教絃管作蠻聲熏衣漸歎衙香少擁髻遙憐夜語清

記取北歸攜過我南江風浪雪山傾公曰注君自南江赴任不一過我

楚辭九歌禱堂兮美人忽獨與余兮目成羣應物宮人入道詩高髻雲鬟宮樣粧
世說郝隆作詩云蝦蟆躍清池相溫問蝦蟆何物答曰蠻名魚也溫曰何以作蠻

却却風調

詞譜曰千里投公始行靈府為軍冊不作樂語香譜載唐化度寺及雍文徽郎中二衙香法羅髻用伶女樊通德事已見

記夢回文二首

并引

十二月二十五日大雪始晴夢人以雪水烹小團茶使美人歌以飲余夢中為作回文詩覺而記其一句云亂點餘花唾碧衫意用飛燕故事也乃續之為二絕句云

顰顏玉盃捧纖纖亂點餘花唾碧衫歌咽水雲凝靜院
夢驚松雪落空巖

趙飛燕外傳后與婕妤坐誤睡婕妤袖健仔曰姊睡之染紺袖正如石上花假令尚方為之未必如此衣之華也以爲石花廣袖列子湯問篇薛譚學謳於秦青響過行雲額延年詩山明望松雪

空花落盡酒傾缸日上山融雪漲江紅焙淺甌新火活
龍團小碾鬪晴牕

三朵花

并引

房州通判許安世以書遺余言吾州有異人常戴
三朵花莫知其姓名郡人因以三朵花名之能作
詩皆神仙意又能自寫真人有得之者許欲以一
本見惠乃爲作此詩

學道無成鬢已華不勞千劫漫烝砂歸來且看一宿覺
未暇遠尋三朵花兩手欲遮瓶裏雀四條深怕井中蛇
畫圖要識先生面試問房陵好事家

楞嚴經若不漸姪修禪定者如蒸砂石欲其成飯經百千劫祇名熱砂傳燈錄溫
州永嘉禪師初謁六祖問答相契便欲辭去祖畱一宿謂之一宿覺七女經國王
機惟尼有七女第二女字須臾摩游冢間言雀在餅中復蓋其口不能出飛今餅
已云破雀飛而去又七賢女偈曰雀來入瓶中羅穀掩瓶口穀穿雀飛去識神隨
業走傳大士善慧錄亦云賓頭盧爲優陀延王說法經云昔有人行曠野爲象所
逐見一丘井即入井中藏井有四毒蛇欲螫其身大王當知此人苦惱不可勝數
九域志房
州房陵郡

次韻陳四雪中賞梅

陳四卽
季常

臘酒詩催熟寒梅雪鬪新杜陵休歎老韋曲已先春獨
秀驚凡目遺英臥逸民高歌對三白遲暮慰安仁

杜子美酬裴迪雪梅詩江邊一樹垂垂發朝夕催人自白頭又詩韋曲花無賴家
家惱殺人楚辭招魂激楚之結獨秀先些逸民用袁安僵臥事已見吳中風俗占
臘月見三白
田翁笑嚇嚇

正月二十日與潘郭二生出郊尋春忽記去年

是日同至女王城作詩乃和前韻

東風未肯入東門走馬還尋去歲村人似秋鴻來有信
事如春夢了無痕江城白酒三杯釀野老蒼顏一笑溫
已約年年爲此會故人不用賦招魂

楚辭宋玉哀屈
原作招魂章

是日偶至野人汪氏之居有神降於其室自稱
天人李全字德通善篆字用筆奇妙而字不可
識云天篆也與余言有所會者復作一篇仍用
前韻

酒渴思茶漫扣門那知竹裏是仙村已聞龜策通神語

更看龍蛇落筆痕色瘁形枯應笑屈道存目擊豈非溫
歸來獨掃空齋臥猶恐微言入夢魂

法書苑仲尼書吳季札墓志變化開合若龍蛇盤據史記屈原傳被髮行吟澤畔
顏色憔悴形容枯槁莊子田子方溫伯雪子見仲尼而不言曰若夫人者目擊而
道存矣

浚井

古井沒荒萊不食誰爲惻
鉞罌下兩綆蛙蚓飛百尺腥
風被泥滓空響聞點滴上除青青芹下洗鑿鑿石霑濡
愧童僕杯酒暖寒栗白水漸泓渟青天落寒碧云何失
舊穢底處來新潔井在有無中無來亦無失

周易井渫不食爲我心惻津陽門詩注石鑿巖下有泉寺僧於上層樓中輒鑿
引綆長二百尺詩國風揚之水白石鑿鑿漢義縱傳爲定襄太守郡中不寒而栗

周易井無喪無得往來井井

紅梅三首

印意鈎剔却不似
中書寫托石因刻畫
似也

怕愁貪睡獨開遲自恐冰容不入時故作小紅桃杏色
尚餘孤瘦雪霜姿寒心未肯隨春態酒暈無端上玉肌
詩老不知梅格在更看綠葉與青枝

公自注石曼卿紅梅詩云
認桃無綠葉辨杏有青枝

雪裏開花卻是遲何如獨占上春時也知造物含深意

故與施朱發妙姿細雨裊殘千顆淚輕寒瘦損一分肌

不應便雜天桃杏數一作半點微酸已著枝

齊己蚤梅詩前村深雪裏昨夜一枝

開宋王好色賦著粉太白施朱太赤

幽人自恨探春遲不見檀心未吐時丹鼎奪胎那是寶

公自注朱砂紅銀
謂之不奪胎色

玉人頰頰更多姿抱叢暗葉初含子落盡
穠香已透肌乞與徐熙新畫樣竹間堪粲出斜枝

楚辭遠遊玉色頰以艷顏今精神粹而始壯注頰怒色玉人怒則頰紅故以比紅
梅也沈存中筆談國初江南布衣徐熙墨筆畫花殊草草略施丹粉神氣迥出別
有生動之意

和子由寄題孔平仲草菴

逢人欲覓安心法到處先爲問道菴盧子不須從若士
蓋公當自過曹參羨君美玉經三火笑我枯桑困八蠶
猶喜大江同一味故應千里共清甘

神仙傳若士者古之仙人燕盧放至蒙谷之山見焉方踞龜殼而食蛤蜊謂敖曰
吾方與汗漫期九垓之外不可以住乃鍊身入雲中漢曹參傳爲齊丞相聞蓋公
善治黃老言避正堂舍馬三火用淮南子鍾山之玉灼以爐炭三日夜語已見左
太冲吳都賦鄉貢八蠶之綿交州記一歲八蠶出日南晉安海物異名記八蠶綿

者入蠶共作一綿華嚴經譬如衆水皆同一未隨器異故水有差別

二蟲

君不見水馬兒步步逆流水大江東流日千里此蟲
趨長在此君不見鷄濫堆決起隨衝風隨風一去宿何
許逆風還落蓬蒿中二蟲愚知俱莫測江邊一笑無人

識

杜子美詩鴈兒爭水馬毛詩嚶嚶草蟲趨趨阜螽注趨躍躍也方言阿如軋亦名鷄濫堆莊子逍遙游蜩與鷄鳩笑之曰我決起而飛槍榆枋又之二蟲又何知

陳季常見過二首

陳季常名慥父希亮字公弼其先自京兆遷於眉公弼知鳳翔公始筮仕爲筮書判

官相從二年公至其家季常數從之游

爲公弼作傳又爲季常作方山子傳

宦常畏人退居還喜客君來輒館我未覺雞黍窄東

坡有奇事已種十畝麥但得君眼青不辭奴飯白

晉阮籍傳能為青白眼見禮俗之士以白眼對之嵇康造焉乃見青眼杜子美入奏行為君醉酒滿眼酤與奴白飯馬詩多

送君四十里只使一帆風江邊千樹柳落我酒杯中此行非遠別此樂固無窮但願長如此來往一生同

聞君開龜軒東檻俯喬木人言君畏事欲作龜頭縮我知君不然朝飯仰暘谷餘光幸分我不死安可獨

盧仝月蝕詩北方寒龜被蛇縛藏頭入殼如入獄再見暘谷用內景經吞日華事注見本卷史記甘茂傳貧人女與富人女會績貧女曰我無以買燭而子之燭光幸有餘子可分我餘光照損子明而得一斯便焉韓退之文我得祕藥不可獨不死詳見十二卷

寒食雨二首

自我來黃州已過三寒食年年欲惜春春去不容惜今

年又苦雨兩月秋蕭瑟臥聞海棠花泥汙燕脂雪暗中
偷負去夜半真有力何殊病少年病起頭已白

莊子大宗師藏舟於壑藏山於澤謂之固矣然而夜半有力者負之而走

春江欲入戶雨勢來不已小屋如漁舟濛濛水雲裏空
庖煮寒菜破竈燒溼葦那知是寒食但感烏銜紙君門
深九重墳墓在萬里也擬哭途窮死灰吹不起

白樂天寒食吟風吹曠野紙錢飛宋玉九辯君之門兮九重杜子美詩此身醒復醉不擬哭途窮漢韓安國傳死灰獨不復然乎

徐使君分新火

寄托兀術

臨臯亭中一危坐三見清明改新火滿中枯木應笑人
鑽斫不然誰似我黃州使君憐久病分我五更紅一朵

云不期其妙字家地風光
加之以油滑掉

從來破釜躍江魚只有清詩嘲飯顆起搗蠟炬遶空屋

欲事煎烹無一可爲公分作無盡燈照破十方昏暗鎖

漢東方朔傳捐薦去几危坐而聽周禮司燿掌行火之政令四時變國火韋慎微咸鑄故事清明日尚食內園官小兒於殿前鬪鑽新火先進者賜絹三匹梳一一尋以新火賜宰臣以下盧仝詩不堪鑽研爲天下下溝中用莊子百年之木其蠹在溝中語已見躍魚暗使范丹釜中生魚事注再見飯顆詳見十三卷答孔周詩詩注韓退之石鼎聯句巧匠琢山骨刻中事煎烹華嚴經譬如一燈燃百千燈一本一燈無滅無盡維摩經天女問維摩詰我等云何住魔宮摩詰云有法門名無盡燈譬如一燈燃百千燈冥者皆明明終無盡

次韻答元素

并引 元素姓楊氏名繪九卷有分贈元素桂花詩

余舊有贈元素詞云天涯同是傷流落元素以爲

今日之先兆且悲當時六客之存亡六客蓋張

野劉孝叔陳令舉李公擇及元素與余也

不愁春盡絮隨風但喜丹砂入頰紅
流落天涯先有
摩挲金狄會當同遽遽未必都非夢
了了方知不落
莫把存亡悲六客已將地獄等天宮

劉禹錫楊柳枝詞春盡絮飛留不得隨風好去落誰家賈誼服賦識言其度注云
識驗也有徵驗之書也漢晉春秋魏明帝徙長安銅人金狄或泣摩挲後漢書
訓事遽遽用莊子語俱再見蔡禪師十玄談了了了時無可了玄玄玄處亦
殷勤爲唱玄中曲空裏蟾光撮得麼等量經阿鼻地獄與非想天劫數苦
無有
二

蜜酒歌

并引

西蜀道人楊世昌善作蜜酒絕醇醖余既得其方

作此歌以遺之

真珠爲漿玉爲醴六月田夫汗流泚不如春甕自生香

蜂爲耕耘花作米一日小沸魚吐沫二日眩轉清光活
三日開壅香滿城快瀉銀瓶不須撥百錢一斗濃無聲
甘露微濁醅醕清君不見南園採花蜂似雨天教釀酒
醉先生先生年來窮到骨問人乞米何曾得世間萬事
真悠悠蜜蜂大勝監河侯

真誥石英夫人答許長史書云玉醴金漿交梨火棗乃飛騰之藥唐
顏魯公有與李太保乞米帖注已見莊子家貧貸粟於監河侯再見

又一首答二猶子與王郎見和

脯青苔炙青蒲爛蒸鵝鴨乃瓠壺煮豆作乳脂爲酥高
燒油燭斟蜜酒貧家百物初何有古來百巧出窮人搜
羅假合亂天真詩書與我爲麴蘖醞釀老夫成搢紳質

非文是終難久脫冠還作扶犁叟不如蜜酒無燠寒冬
不加晷夏不酸老夫作詩殊少味愛此三篇如酒美封
胡羯末已可憐不知更有王郎子

盧氏雜說鄭餘慶名親朋食敕家人曰爛蒸去毛勿拗折項客謂必鵝鴨也良久
每人前粟飯一甌蒸壹盧一放公食美甚諸人強進而罷山海經倭始爲百巧古
老有百無一有百巧百窮之語至今俗諺尚爾李白丹丘談玄詩假合作容貌揚
子其文是也其質非也洞仙傳郭璞曰吾昨夜夢在石頭外江中扶犁而耕後漢
馬援傳過是欲少味矣晉列女傳謝道韞初適凝之還甚不樂叔父安曰王郎逸
少子不惡汝何恨答曰一門叔父則有阿大中郎羣從兄弟復有封胡羯末不意
天壤之中乃有王郎封謂謝歆胡謂謝朗羯謂謝玄末謂謝川
皆小字也麗情集無雙傳劉振妻常戲呼王仙客爲王郎子

謝陳季常惠一措巾

措烏威切

夫子曾中萬斛寬此巾何事小團團半升僅漉淵明酒

二寸纔容子夏冠好戴

一作帶

黃金雙得勝休教

一本作可憐

白苧

一生酸臂弓腰箭何時去直上陰山可汗

南史陶潛酒熟取頭上葛巾漉酒訖還復著之已見漢杜欽傳字子夏茂陵杜鄴與欽同姓字俱以才能稱京師而欽目偏盲故衣冠謂欽爲盲杜子夏以相別欽惡以疾見詆迺爲小冠高廣纔二寸由是京師更謂欽爲小冠杜子夏雙得勝世人中裹以黃金爲大環雙繫其帶謂之得勝環疑用此事亦恐自有故實姑俟知者古樂府白紵歌制以爲袍餘作巾袍以光軀巾拂塵唐李靖傳突厥寇太原靖率勁騎三千趨惡陽嶺頡利可汗大驚亡去爲張寶相禽以獻於是斥地自陰山比至大漠矣

贈黃山人

面頰照人元自赤
睂毛覆眼見來烏
倦游不擬談玄牝
示病何妨出白鬢
絕學已生真定慧
說禪長笑老浮屠
東坡若冒三年住
親與先生看藥爐

舊唐書毛若虛睂毛覆於眼老子玄牝之門是謂天地根楞嚴經攝心爲戒因三
生定因定發慧是名三無漏學表宏漢紀浮屠佛也西域天竺國有佛道焉佛

漢言覺也將以
覺悟羣生也

問大冶長老乞桃花茶栽東坡

周詩記苦茶茗飲出近世初緣厭梁肉假此雪昏滯嗟
我五畝園桑麥苦蒙翳不令寸地閑更乞茶子藝飢寒
未知免已作太飽計庶將通有無農末不相戾春來遠
地裂紫筍森已銳牛羊煩呵叱筐筥未敢睨江南老端
人齒髮日夜逝他年雪堂品空記桃花裔

詩國風誰謂茶苦其甘如薺洛陽伽藍記齊王肅初好茗飲及歸魏高祖問茗飲
何如酪漿肅曰茗不中與酪作奴高祖大笑因號茗飲為酪奴李肇國史補湖州
有顧渚紫筍茶茶苑總錄段成式謝因禪師茶云忽惠荊州紫筍茶一角寒茸擢
筍本貴含膏嫩葉抽芽方珍搗草詩大雅敦彼行葦牛羊勿踐履國風予以盛之
維筐及筥

魚蠻子

江淮水爲田舟楫爲室居魚鰕以爲糧不耕自有餘黑
哉魚蠻子本非左衽徒連排入江住竹瓦三尺廬於焉
長子孫戚施且侏儒擘水取魴鯉易如拾諸途破釜不
著鹽雪鱗芼青蔬一飽便甘寢何異獺與狙人間行路
難踏地出賦租不如魚蠻子駕浪浮空虛空虛未可知
會當算舟車蠻子叩頭泣勿語桑大夫

漢五行志吳地以船爲家以魚爲食國語戚施不可使仰侏儒不可使援劉禹
有獺吟下見盈尋魚投身擘洪漣禮記內則芼之以萍藻古樂府有行路難曲
武帝紀元光六年初算商車李奇曰始稅商賈車船令出算食貨志船有
少物費又異時算船重賈人之緡皆有差又下式曰縣官當食租衣稅而已今
弘羊令吏坐列販物求利烹弘
羊天乃雨弘羊嘗爲御史大夫

弔李臺卿 并引

李臺卿字明仲廬州人貌陋甚性介不羣而博學
強記罕見其比好左氏有史學考正同異多所發
明知天文律曆千載之日可坐數也軾謫居黃州
臺卿爲麻城主簿始識之旣罷居於廬而曹光州
演甫以書報其亡臺卿光州之妻黨也

我初未識君人以君爲笑垂頭老鸛雀煙雨羶七竅
弊衣來過我危坐若持釣褚裒半面新駸蔑一語妙徐徐
步其瀾極望不可徼卻觀元嫵媚士固難輕料看書眼
如月曄隙靡不照我老多遺忘得君如少從橫通雜

藝事博且知要所恨言無文至老幽一耀其生世莫識
已死復作詩遺故人庶解俗子譙

唐裴寬呼為碧鸛雀再見莊子應帝王儵與忽謂渾沌曰人有七竅以視聽食息
子獨無有褚裒問孟嘉何在注見本卷左傳昭二十八年叔向適鄭駸蔑惡欲觀
叔向從使之收器者而住立於堂下一言而善叔向聞之曰必駿明也下執其手
以上遂如故知老子常有欲以觀其數唐韻微小道也世說支道林曰北人看書
如顯處視月南人學問如牖中窺日漢司馬遷傳儒者博而寡要唐蕭德言傳太
宗詔袁次經史百代帝王所以興衰者上之帝愛其書博而要左傳孔子曰言之
不文行之不遠老子聖
人直而不肆光而不耀

曹旣見和復次其韻

造物本兒嬉風噫雷電笑誰令妄驚怪失七號萬竅之
人走江湖一一操網釣偶然連六鰲便為此手外空令
任公子三歲蹲海徼長貧固不詞辭一死實未料難將

著草算除用佛眼照何人嗣家學恨子兒尚少嗟我與
曹君衰老世不要空言今無救奇志後必耀吟君一字
詩義重千金弔收藏慎勿出免使羣兒譙

舊唐書杜審言傳甚爲造物小兒相苦新書云造化小兒列子湯問篇龍伯之
有大人舉足不盈數步而暨五山之所一釣而連六鰲莊子外物任公子爲大
巨緇五十牯以爲餌躡乎會稽投竿東海旦旦而釣期年不得魚晉載記下崇曰
所欠惟一死耳蜀志諸葛亮傳司馬仲達曰吾便料生不便料死也史記龜策傳
能得百莖著草并得其下龜以卜者百言百當足以決吉凶金剛經如來有佛眼
否傳大士頌云佛眼如千日照異體還同左傳莊二十二年非此其身在其子孫
光遠而自他
有耀者也

施註蘇詩卷之十九

